





爾雅義疏

釋天八 釋地九 釋丘十  
釋山十一 釋水十二





爾雅郭注義疏卷八

棲霞郝懿行學

銅鑄

釋天第八

疏

天者說文云顛也至高無上从一大釋名云天豫司充冀以舌腹言之天顯也

在上高顯也青徐以舌頭言之天坦也坦然高而遠也釋文引春秋說題辭云天之言鎮也居高理下為人經緯故其字一大以鎮之也又引禮統云天之為言鎮也神也陳也珍也施生為本運轉精神功效列陳其道可珍重也此篇所釋四時祥災歲陽名月陽月各風雨星名皆天所運轉列陳而為敬授庶徵之本故以次銓釋其祭名以下蓋附見焉翟氏顯爾雅補郭云祭名與講武旌旗三章俱非天類謂當更有釋禮篇與釋樂篇相隨此其殘文孫氏志祖脞錄非之今無取焉

穹蒼蒼天也

注

天形穹隆其色蒼蒼因名云春為蒼天

注萬物蒼蒼然生夏為昊天

注

言氣皓旡秋為旻天

注

慈銘案翟氏以漢志傳爾足二十篇今止十九篇故疑有釋禮篇孫氏謂廣足篇第一依爾足今廣足無釋禮篇則翟氏之說非也然郭意祭名講武旌旗三章附釋天終可



疑邵氏正義強為之說亦覺未安張維讓作廣足在曹魏之季安知其時非尔足已缺釋禮張氏亦未能審訂歟董卓之亂齊詩遂七蓋經籍之缺失多矣

案以當作从楊刻是本亦誤

案是本春可知矣下有方言有苑者柳即云上天甚神見戰國策其非冬亦明矣一條

旻猶愍也愍萬物彫落冬為上天注言時無事在上臨

下而已疏穹蒼者詩桑柔傳用爾雅以詩言穹蒼故以

形穹隆而高其色蒼蒼然故曰穹蒼郭義與李同○春

也夏曰昊天其氣布散灑灑也秋曰旻天旻閱也物就

枯落可閱傷也冬曰上天其氣上騰與地絕也詩黍離

傳元氣廣大則稱昊天仁覆閔下則稱旻天自上降鑒

則稱上天據遠視之蒼蒼然則稱蒼天正義引李巡曰

春萬物始生其色蒼蒼故曰蒼天夏萬物盛壯其氣昊

大故曰昊天秋萬物成熟皆有文章故曰旻天冬陰氣

在上萬物伏藏故曰上天御覽廿四引孫炎云冬天藏

物物伏於下天清於上其義與李巡同白虎通四時篇

旣言春日蒼天夏曰昊天云云又引爾雅一說與此不

同黍離正義引異義天號今尚書歐陽說春日昊天夏

曰蒼天爾雅亦云書堯典正義引鄭讀爾雅云春為昊

天夏為蒼天說文云春為昇天元氣昇昇以日介廣雅

亦云東方昇天皆本尚書歐陽說也然則許鄭及張揖

所據爾雅春昊天夏蒼郭與李巡作春蒼夏昊可知爾雅

詞可也

古有二本即白虎通所言是也然此皆循文訓義未為

觀其會通若通而論之則堯命羲和而云欽若昊天非

必夏也魯誅孔子而云閔天不弔非必秋也上言彼黍

**四時**

疏題上事也白虎通云時者期也陰陽消

息之期也四時天異名何天尊各據其

盛者為名也春秋物變盛冬夏氣變盛釋名云

四時四方各一時時期也物之生於各應節期

而止也按御覽十七引釋名作爾雅又曰時空

也司空主地各主一方物之生於據此所引蓋

爾雅舊注也又據白虎通四時天異名云云則

知四時二字本爾雅舊題祥災以下義亦同焉

春為青陽注氣清而溫陽夏為朱明注氣赤而光明秋

為白藏注氣白而收藏冬為玄英注氣黑而青英四時

和謂之玉燭注道光照疏說文云青東方色也陽高明

也釋名云陽揚也氣在外發



揚也朱明者御覽廿一引孫炎云夏氣赤而光明郭與孫同即此一條可知郭注俱本孫炎也四氣和者史記樂書索隱引孫炎云四氣之和四時之化玉燭者釋文引李巡云人君德美如玉而明若燭邢疏引尸子仁意篇述太平之事云燭於玉燭四時和正光照此之謂玉燭

春為發生夏為長贏秋為收成冬為安寧注此亦四時

之別號尸子皆以為太平祥風四時和為通正注道平

暢也謂之景風注所以致景風疏發生長贏者釋文引

長也贏本或作羸四時和為通正者類聚一及文選新刻漏銘注並引爾雅作四氣和為通正尸子論衡亦云

然也景風者法苑珠林引李巡曰景風太平之風也尸子作永風仁意篇云其風春為發生夏為長贏秋為方

盛冬為安靜四氣和為通正此之謂永風按瓊觀此對論衡作景星是應篇云爾雅釋四時章曰春為發生

夏為長贏秋為收成冬為安寧四氣和為景星夫如爾雅之言景星乃四時氣和之名也恐非著天之四星然

則論衡所據爾雅本作謂之景星而以爲非大星推此則知景風之義亦當如論衡所說

甘雨時降萬物以嘉注莫不善之謂之醴泉注所以出

醴泉疏甘雨時降者類聚二引尸子曰神農氏治天下雨正四時之制萬物咸利故謂之神呂覽季春孟夏二

紀竝云甘雨至三旬與尸子義合是蓋自古以來相傳甘雨時降之期會也邢疏引尸子仁意篇云甘雨時降

萬物以嘉高者不少下者不多此之謂醴泉君治篇云舜南面而治天下太平燭於玉燭息於永風會於

膏火飲於醴泉是又本爾雅而推廣其義也論衡是應篇云爾雅言甘露時降萬物以嘉謂之醴泉醴泉乃謂

甘露也今儒者說之謂泉從地中出其味甘若醴故曰醴泉又言甘露其味甚甜未可然也雨濟而陰一者謂

之甘雨非謂雨水之味甘也推此以論甘露必謂其降下時適潤養萬物未必露味甘也王充此論足解陋儒

之惑今按爾雅此章題之曰祥祥者善也夫天地順而四時當民有德而五穀昌此之謂大當祥莫祥於是矣

自世儒喜談緯候侈言符命封禪名書符瑞箸志爾雅



此篇將以杜絕謬妄玉燭景風甘雨醴泉雖依其名而無取其實蓋以四時炎照即為玉燭四氣和正即為景風甘澍應期即為醴泉所以破讖緯之陋說標禎祥之本名將欲人君敬天勤民以致陰陽和而年穀豐也郭氏未達斯旨其注景風醴泉猶以致出為言頗復近惑緯書遠菲雅訓空據尸子王充之論訂正其失焉

祥

穀不熟為饑注五穀不成蔬不熟為饑注凡草菜可食

者通名為蔬果不熟為荒注果木子仍饑為荐注連歲

不熟左傳曰今又荐饑疏穀者說文云續也百穀之總

雨無正正義引李巡曰五穀不熟曰饑穀梁襄廿四年

傳一穀不升謂之饑二穀不升謂之饑三穀不升謂之饑

饑四穀不升謂之荒五穀不升謂之大饑又謂之大侵

按此但據穀言荒饑亦在其內實則五者皆為饑也又

五穀亦無定名周禮疾醫注五穀麻黍稷麥豆據月令

為說也職方注五種稻黍稷麥菽素問金匱真言篇說

五穀與職方注同經典多從之○蔬者經典多作蔬大

宰注云蔬材草木根實可食者引爾雅亦作蔬魯語云

能殖百穀百蔬韋昭注草實曰蔬按草菜通名故李巡

曰可食之菜皆不熟為饑說文及毛傳用爾雅依穀梁

說三穀不升為饑是穀蔬通名故曲禮云稻曰嘉蔬鄭

注稻菽蔬之屬也○果者說文云木實也在木曰果在

地曰蔬按蔬草菜之屬即蔬之類與果異也荒者說文

作穠云虛無倉也謚法云凶年無穀曰穠又云穠虛也

是穠荒義同穀梁四穀不升為荒與謚法並據穀言者

穀與果蔬實相表裏凡穀不熟之年果蔬亦多不蕃也

又周易言百果魯語言百蔬與詩書言百穀皆舉大數

而言實亦通名故初學記廿七引楊泉物理論云梁稻

菽三穀各二十種為六十蔬果之實助穀各二十凡為

百穀是則穀為大名蔬果亦穀之類故不熟同謂之災

○仍者釋詁云因也荐者釋言云再也左氏僖十三年

正義引李巡云連歲不熟曰荐爾雅釋文荐李本作薦

是薦荐通詩饑饑薦臻傳薦重也又按爾雅此篇題之

曰災易鄭注害物曰災春秋書火為災爾雅以饑為災

左傳晉荐饑下云天災流行

是亦以饑為災與爾雅合



太歲在甲曰闕逢在乙曰旃蒙在丙曰柔兆在丁曰強

圉在戊曰著雍在己曰屠維在庚曰上章在辛曰重光

在壬曰玄默在癸曰昭陽甲者說文云位東方之孟陽氣萌動从木戴孚甲之

象釋名云甲孚也萬物解孚甲而生也闕逢者一切經

音義十七引李巡曰言萬物鋒芒欲出擁遏未通故曰

闕逢淮南天文篇云寅在甲曰闕逢高誘注與李巡同

史記曆書作焉逢○乙者說文云象春艸木冤曲而出

陰氣尚彊其出乙乙也釋名云乙軋也自抽軋而出也

旃蒙者天文篇云卯在乙曰旃蒙高注言萬物過蒙甲

而出故曰旃蒙也曆書作端蒙○丙者說文云位南方

萬物成炳然釋名云丙炳也物生炳然皆著見也柔兆

者一切經音義引李巡曰言萬物皆垂枝布葉故曰柔

兆也孫炎曰萬物柔婉有條兆也天文篇云辰在丙曰

柔兆高注與李巡同曆書作游兆徐廣曰一作游桃○

丁者說文云夏時萬物皆丁實釋名云丁壯也物體皆

丁壯也強圉者李巡曰言萬物皆剛盛未通故曰強圉

孫炎曰萬物皮孚堅者也天文篇云己在丁曰強圉高

注言萬物剛盛今按四月陽氣已盛故曰剛盛李云未

通非也高注得之曆書作彊梧○戊者說文云中宮也

釋名云戊茂也物皆茂盛也天文篇云午在戊曰著雝

高注言位在中央萬物繁養四方故曰著雝也釋文著

孫直略反又陟慮反靡字又作雍著靡本或作祝黎按

曆書戊作徒維己作祝犁與爾雅異釋文蓋本此而誤

○己者說文云中宮也象萬物辟藏詘形也釋名云己

紀也皆有定形可紀識也屠維者天文篇云未在此己曰

屠維高注言萬物各成其性故曰屠維屠維離也曆

書作祝犁○庚者說文云位西方象秋時萬物庚庚有

實也釋名云庚更也庚堅強貌也上章者天文篇云申

在庚曰上章高注言陰氣上升萬物畢生故曰上章也

曆書作商橫○辛者說文云秋時萬物成而孰金剛味

辛辛痛即泣出釋名云辛新也物初新者皆收成也重

光者天文篇云酉在辛曰重光高注言萬物就成熟其

光煌煌故曰重光也曆書作昭陽○壬者說文云位北

方也象人裹妊之形釋名云壬妊也陰陽交物懷妊也

至子而萌也玄默者天文篇云戌在壬曰玄默高注言



歲終包任萬物故曰玄黓也按玄黓言物終而幽翳也  
曆書作橫艾。癸者說文云冬時水土平可揆度也釋  
名云癸揆也揆度而生乃出土也昭陽者天文篇云亥  
在癸曰昭陽高注言陽氣始萌萬物含生故曰昭陽曆  
書作  
尚章

### 歲陽

大歲在寅曰攝提格在卯曰單闕在辰曰執徐在巳曰  
大荒落在午曰敦牂在未曰協洽在申曰涪灘在酉曰  
作噩在戌曰閹茂在亥曰大淵獻在子曰困敦在丑曰  
赤奮若疏寅者說文云鶡也正月陽氣動去黃泉欲上  
出陰尚彊象一不達鶡寅於下也釋名云寅  
演也演生物也攝提格者史記天官書索隱引李巡云  
言萬物承陽起故曰攝提格格起也開元占經廿三引  
孫炎云陽攝持攜萬物使之至上按攝提星名屬東方  
亢宿分指四時從寅起也故鄭注是類謀云攝提招紀

案釋書集解引徐廣曰單闕  
一作單安此言和歲陽歲陰之  
名皆雙聲疊韻古人言之紀歲  
其義森可攷諸家皆望文為  
說或傍通所不通鄭注闕之  
是也

天元甲寅之歲又離騷云攝提貞於孟陬不言格者省  
文○卯者說文云冒也二月萬物冒地而出史記律書  
云卯之為言茂也言萬物茂也單闕者天官書索隱引  
李巡云陽氣推萬物而起故曰單闕單闕者闕也闕引  
離騷文謂屈原賈生傳索隱引孫炎本作蟬焉蟬猶伸  
也占經引孫炎作蟬猶伸也闕壅之物於此盡伸也○  
辰者說文云震也三月陽氣動雷電振民農時也釋名  
云辰伸也物皆伸舒而出也執徐者釋文引李巡云執  
蟄也徐舒也言蟄物皆敷舒而出故曰執徐也占經引  
孫炎云句者必達蟄伏之物盡敷舒也淮南天文篇注  
同李巡○巳者說文云巳也四月陽氣畢布巳出陰氣已藏  
萬物見成文章釋名云巳巳也四月陽氣畢布巳出陰氣已藏  
者占經引李巡云言萬物皆熾茂而大出霍然落落故  
曰荒落孫炎云物長大荒蕪落莫也曆書作大芒落落天  
官書作大荒駱堂邑令費鳳碑云歲格于大荒不言落  
者省文○午者說文云梧也五月陰氣午逆陽冒地而  
出律書云午者陰陽交故曰午敦牂者占經引李巡云  
言萬物皆茂壯猗那其枝故曰敦牂敦牂也詳壯也史  
記索隱引孫炎云敦盛也詳壯也言萬物盛壯也天文  
篇注同李孫○未者說文云味也六月滋味也釋名云



未昧也日中則昃向幽昧也協洽者占經引李巡云言  
陰陽化生萬物和合故曰協洽協和也洽合也孫炎云  
物生和洽含英秀也○申身也申者說文云神也七月陰氣成  
體自申束釋各云申身也物皆成其身體各申束之使  
備成也涪者說文云會已而復吐之引爾雅曰太歲在  
申曰涪灘一切經音義十七引李巡曰言萬物皆循修  
其精氣故曰涪灘灘單盡也孫炎曰涪灘萬物吐秀傾  
也呂覽序意篇注義同又云涪灘誇人短舌不能言為  
涪灘也按涪灘雙聲兼疊韻諸家各以意說釋文灘本  
或作攤漢孔廟禮器碑作涪歎○酉者說文云就也釋  
名云秀也秀者物皆成也作噩者釋文云噩本或作罽  
史記索隱引李巡云作鄂皆物也枝起之貌占經引李  
巡云在西言萬物墜落故曰作鄂作索也鄂茂也黻  
斿之貌然則李孫竝以作為起鄂為落漢天文志鄂作  
起之貌然則李孫竝以作為起鄂為落漢天文志鄂作  
地也釋名云戊文云滅也九月陽氣微萬物畢成陽下入  
也闔茂者占經引李巡云當收斂矜恤之也亦言脫也落  
蔽也茂冒也巡接史記文索隱引同作孫炎多蓋諱孫炎云霜闔

茂物使俱落也李孫竝以闔為掩漢書及淮南俱作  
掩○亥者說文云亥也十月微陽起接盛陰釋名云亥  
核也收藏百物核取其好惡真偽也亦言物成皆堅核  
也大淵獻者占經引李巡云言萬物落於亥大淵  
屈近陽故曰淵獻萬物於淡謂蓋藏之於外也○子者  
炎云淵淡也大獻萬物於淡謂蓋藏之於外也○子者  
說文云十一月陽氣動萬物滋釋名云子在子也陽氣始  
萌孳生於下也困敦者占經引李巡云在子言陽氣皆  
混萬物芽孽故曰困敦於黃泉之下也按郭音頓亦通作  
也言萬物初萌混沌於黃泉之下也按郭音頓亦通作  
頓說文敘云困頓之年○丑者說文云紐也赤奮若者曆  
物動用事釋名云丑紐也寒氣自屈紐也赤奮若者曆  
書正義引李巡云陽氣奮迅萬物而起無不若其性故  
曰赤奮若赤陽色奮迅也若順也揚  
占經引孫炎云物萌色赤奮動順其  
心而氣始芽也赤奮若曆書作汭漢

**歲陰**

**疏**今本無此二字然十干既題歲陽則十

在寅歲名曰攝提格太陰在卯歲名曰單闕云  
云俱本爾雅為說史記曆書索隱引爾雅釋天



云歲陽者甲乙丙丁戊己庚辛壬癸十干是也  
歲陰者子丑寅卯辰巳午未申酉戌亥十二支  
是也歲陽在甲云焉逢謂歲干也歲陰在寅云  
攝提格謂歲支也據索隱所引是古本有歲陰  
二字之證今依臧  
氏爾雅漢注補

載歲也夏曰歲注取歲星行一次商曰祀注取四時一

終周曰年注取禾一熟唐虞曰載注取物終更始疏此

年歲之名所以代必異名者書堯典正義引李巡云各  
自紀事示不相襲也載歲也者左氏昭七年正義引李  
巡曰載一歲莫不覆載也孫炎曰四時一終曰歲取歲  
星行一次也說文云歲木星也越歷二十八宿宣徧陰  
陽十二月一次然則夏曰歲者主於占星紀事夏小正  
云初歲祭耒是也○祀者說文云祭無已也書正義引  
孫炎曰祀取四時祭祀一訖也然則商曰祀者商人尚  
鬼以祀為重書洪範惟十有三祀蓋為箕子作也○年  
者說文云穀孰也書正義引孫炎曰年取年穀一熟也  
然則周曰年者周以稼穡興年穀為重春秋書大有年

是也○載者釋名云載生物也白虎通云載之言成也  
載成萬物終始言之也邢疏引孫炎曰載始也取物終  
更始郭注俱本孫炎唐虞曰載者以更始為義書云九  
載績用弗成三載考績是也按尚書大傳引書曰三歲  
考績是唐虞亦曰歲禹貢云作十有三載是夏亦曰載  
洪範五行傳云維王后元祀鄭注王謂禹也是夏亦曰  
祀大傳又引書曰高宗梁闇三年不言是商亦曰年詩  
殷武云歲事來辟是商亦曰歲周禮哲蒞氏云十有二  
歲之號大史云正歲年以序事是周  
亦曰歲也然則此類蓋亦通名矣

### 歲名

月在甲曰畢在乙曰橘在丙曰修在丁曰圉在戊曰厲

在己曰則在庚曰室在辛曰塞在壬曰終在癸曰極疏

月陽猶歲陽也史記曆書云月名畢聚索隱曰聚音陔  
是則正月得甲為畢陬也又引虞喜云月雄在畢雌在  
陬今按月雄月雌即月陽月陰也畢陬乃以月陽配月  
陰十二月皆然也橘本或作臈廣韻云臈月在乙也



月陽

正月為陬注離騷云攝提貞於孟陬二月為如三月為

寗四月為余五月為皋六月為且七月為相八月為壯

九月為玄注國語云至于玄月是也十月為陽注純陰

用事嫌於無陽故以各云十一月為辜十二月為涂注

皆月之別各自歲陽至此其事義皆所未詳通者故闕

而不論疏正月者白虎通云日尊於月不言正日言正

也陬者說文敘云孟陬之月漢書劉向傳云攝提失方

孟陬無紀史記曆書月名畢聚聚與陬同。病者釋文

李陂病反本或作窵廣韻引爾雅作三月為窵云本亦

作窵是病窵同。余者釋文餘舒二音孫作舒詩小明

正義引李巡曰四月萬物皆生枝葉故曰余余舒也孫

炎曰物之枝葉敷舒是李孫義同孫本作舒為異日月

其除鄭箋四月為除是鄭讀除為余。皋者釋文或作

高同。玄者詩何草不黃正義引李巡曰九月萬物畢

盡陰氣侵寒穀曠其色皆黑孫炎曰物衰而色玄也引

詩曰何草不玄疏其言皆黑孫炎曰物衰而色玄也引

韋昭注引爾雅謂魯哀十六年九月也。陽者詩歲亦

陽止毛傳陽歷陽月也鄭箋十月為陽時坤用事嫌於

無陽故以名此月為陽雖微氣漸舒也舒茶古字通用周禮

月名

南風謂之凱風注詩曰凱風自南東風謂之谷風注詩

云習習谷風北風謂之涼風注詩云北風其涼西風謂

之泰風注詩曰泰風有隧疏風者釋名云風充豫司冀

蓋指十二月為除言之

除毛傳除陳生新也

辰日廣韻涂與余同音除謂歲將除也小明詩日月方

茶茶亦舒也言陽雖微氣漸舒也舒茶古字通用周禮

哲蒺氏注月謂從娠至茶是爾雅娠涂古作娠茶馬瑞

橫口合脣言之風汜也其



氣博汎而動物也青徐言風馭口開脣推氣言之風放也氣放散也按風古孚今反汎放俱語聲之轉也凱風者詩傳用爾雅而申之云樂夏之長養正義引李巡曰南風長養萬物喜樂故曰凱風凱樂也○谷風者詩傳用爾雅而云陰陽和而谷風至正義引孫炎曰谷之言穀穀生也谷風者生長之風○涼風者說文云北風謂之颯从涼省聲釋文涼本或作古颯字詩北風傳北風寒涼之風說文以為廣莫風○泰風者泰即大也詩桑柔箋西風謂之大風本爾雅正義引孫炎曰西風成物物豐泰也是孫炎亦以泰為大說文以為閭闔風按風有八方爾雅止及四方據詩文為釋也故郭注亦俱引詩

**焚輪謂之積**注暴風從上下扶搖謂之焱注暴風從下

**上風與火為庀**注庀庀熾盛之貌迴風為飄注旋風也

積者詩谷風傳積風之焚輪者也風薄相扶而上正義引李巡曰焚輪暴風從上來降謂之積積下也孫炎曰迴風從上下曰積按李孫釋積字甚明毛傳相扶而上似與積義相反疑必有誤焚輪疊韻字也釋文焚

本或作焚頽本或作積墮○焱者說文作颯云扶搖風也詩正義引李巡曰扶搖暴風從下上升故曰焱焱上也孫炎曰迴風從下上曰焱按迴風是火名積焱是其異號故月令注回風為焱是孫炎所本也扶搖者莊子消搖游篇云搏扶搖而上者九萬里淮南原道篇云扶搖珍抱羊角而上高誘注扶搖如羊角曲縈而上也文選恨賦及文賦注竝引爾雅作颯颯皆俗字也○庀者釋文云本或作焱玉篇焱風與火也方言云焱焱孫赫也郭注火盛熾之貌與此注同是庀當作焱也風與火者火得風而熾風因火而烈也○迴者說文作回飄者詩匪風卷阿傳俱本爾雅正義引李巡曰迴風旋風也一曰飄風別二名按旋風回旋於地不上不下異於積焱其行飄飄故謂之飄其容蛇蛇故謂之颯櫛廣韻颯小旋風咸陽有之小颯於地也

**日出而風為暴**注詩曰終風且暴風而雨土為霾注詩

**曰終風且霾陰而風為暄**注詩曰終風且暄疏暴者說

云疾有所趣也詩終風傳暴疾也霾暄者說文及詩傳用爾雅釋名云霾晦也言如物塵晦之色也暄翳也言



掩翳日光使不明也詩正義引孫炎曰陰雲不興而大風暴起又曰大風揚塵土從上下也又曰雲風曠日光

天氣下地不應曰雩注言蒙昧地氣發天不應曰霧霧

謂之晦注言晦冥疏雩者說文作霧云天氣下地不應

氣發天不應籀文省作雩玉篇雩與霧同云天氣下地

不應也霧與霏同云地氣發天不應也與說文互異釋

文雩或作霧霧亦作霏與玉篇同蓋俱傳寫之誤耳雩

者書云蒙恆風若正義引鄭注蒙作雩云雩者色澤鬱

鬱冥冥也是雩與蒙同釋名正作蒙云蒙日光不明蒙

蒙然也霧者釋名云霧冒也氣蒙亂覆冒物也按霧蒙

聲轉故史記宋世家引洪範蒙作霧文選甘泉賦注引

爾雅作天氣下地不應曰霧霧與蒙同然則霧雩二字

亦音轉字通矣霧謂之晦者釋言云晦冥也說文云

霧晦也是霧霏字亦通經典多淆當以說文為正

**蟬**謂之雩**蟬**虹也注俗名為美人虹江東呼雩音

**芳**蜺為挈貳注蜺雌虹也見離騷挈貳其別名見尸子

疏虹者說文云蟬蜺也狀似蟲詩作蜺蜺假借字也釋

名以蜺為蜺虹乃陰陽雜氣淮南說山篇云天二氣則

成交為虹是也虹乃工聲故釋名云虹攻也讀虹為工釋文

引字林虹工弄反皆古音也又引陳國武古巷反郭音

講俗亦呼為青絳也按今登萊人謂虹為醬絳亦為醬

皆方音之轉耳釋名虹又曰美人此郭注所本也蜺者

霓之假借說文霓屈虹青赤也一曰白色陰氣也糲

蜺虹霓散文俱通故邢疏引郭氏音義云虹雙出色鮮

盛者為雄雄曰虹聞者為雌雌曰霓楚辭悲回風篇云

處雌蜺之標顛遠游篇云雌蜺嬈嬈以曾撓皆郭義所

本也霓有鬻音故釋文引如淳五結反嬈讀文選而

都賦注引尸子曰虹霓為析翳郭作挈貳

**弁**曰為蔽雲注即暈氣五彩覆日也疏弁者說文云蓋

弁日為蔽雲者說文霽字解云雲覆日也淮南說林篇

云日月欲明而浮雲蓋之皆即此意郭云即暈也者釋

名云暈捲也氣在外捲結之也日月俱然則暈但映

日而不弁日此雲弁日又非暈也暈周禮作輝觀

佳



文作暉云光也郭旣失之鄭樵注以為奔日者即虹也尤非

**疾雷為霆霓**注雷之急激者謂霹靂疏雷霆者說文云

雨生物者也霆雷餘聲也鈴鈴所以挺出萬物又云震

是霆為疾雷霓字衍也知者文選東都賦注及書鈔一

百五十二類聚二初學記一御覽十三並引作疾雷為

霆靄字或辨無霓字知今本衍也宋翔鳳曰霓當為電

形近而誤余按穀梁隱九年傳震雷也電霆也是電

通名淮南兵略篇云疾雷不及塞耳疾霆不暇掩目是

亦以霆為電與穀梁合二書所言理固可通但爾雅文

不虛設言霆已明加電反贅霆電

連文又復不詞故知非電之誤

**雨霓為霄雪**注詩曰如彼雨雪先集維霓霓水雪襍下

者故謂之消雪疏雪者說文云凝雨說物者釋名云雪

者與霰同說文云霰稷雪也或從見作霓釋名云霰星

也水雪相搏如星而散也詩類弁箋將大雨雪始必微

溫雪自上下遇溫氣而搏謂之霰是雪遇溫氣而搏如

粟粒襍下故說文以為稷雪釋名以為星霰皆得其形

狀文選雪賦注引韓詩薛君曰霰霰也宋書符瑞志引

韓詩霰作英而云花葉謂之英又云霰為花雪草木花

多五出花雪獨六出彼以花雪為霰矣韓詩之霰其

說竝謬矣霄雪者雪字亦衍說文雨霓為霄齊語也無

雪字今本蓋緣郭注而衍也水經洛水注云長霄冒嶺

層霞冠峰霄字之義蓋本於此郭云霰水雪襍下者初

學記二引爾雅云雪與雨襍下曰霰其說亦失之

**暴雨謂之凍**注今江東呼夏月暴雨為凍雨離騷云令

飄風兮先驅使凍雨兮灑塵是也凍音東西之東小雨

謂之霰霰注詩曰益之以霰霰久雨謂之淫注左傳曰

天作淫雨淫謂之霖注雨自三日以上為霖濟謂之霽

注今南陽人呼雨止為霽音薺疏暴者說文作瀑云疾



篇云降扶風襍凍雨高誘注扶風疾風也凍雨暴雨也  
郭云江東呼暴雨為凍雨文選思玄賦舊注云巴郡謂  
暴雨為凍雨各據方俗為言也○霰霰者說文及詩傳  
用爾雅釋名云霰霰小雨也言裁霰歷霑漬如人沐頭  
惟及其上枝而根不濡也詩信南山正義引李巡曰水  
雪俱下按爾雅無雪字詩雖言雪不云一時俱下李注  
非也霰霰字之雙聲轉為溟濛霰霰皆以雙聲為微雨以  
溟溟為小雨是溟濛霰霰皆以雙聲為義釋名之說似  
未免望文生訓矣○淫者說文云久雨為淫晉語云底  
著滯淫是淫有久意故韋昭注淫久也淫又名霪說文  
霪久雨也○霖者說文云雨三日曰霖霖雨十有七日  
傳文晏子春秋諫上篇云景公之時霖雨十有七日是  
三日曰霖上通名霖也霖猶霰也說文霰霖雨也南陽謂  
霖雨曰霰月令淫雨蚤降鄭注淫霖也今月令曰霰訓  
按霰說文作霰引明堂月令曰霰雨然霰訓小雨霰訓  
霖雨依聲義當為霰○霽者說文云雨止也濟者釋訓  
云止也淮南時則篇云九月失政三月春風不濟覽冥  
篇云風濟而波罷竝以濟為止也濟與霽音義同故書  
洪範曰霽鄭注作濟云濟者如雨止之雲氣在上也漢  
書郊祀志如淳注三輔謂日出清濟為晏是濟霽通也

說文霽字解云霽謂之霽或引爾雅古本之文今脫去之

### 風雨

**壽星角亢也** [注]數起角亢列宿之長故曰壽天根氏也

[注]角亢下繫於氏若木之有根 [疏]星者說文云萬物之

星散也列位布散也宿宿也星各止宿其處也周禮馮  
相氏掌二十有八星之位誓蒞氏以方書二十有八星  
之號鄭注星謂從角至軫也按十二次玄枵為首爾雅  
先壽星者以角亢為列宿長也角者兩星相對觸天官  
書云左角李右角將亢者四星似彎弓天官書云亢為  
疏廟氏者四星側向以承抵故天官書氏為天根索隱  
引孫炎以為角亢下繫於氏若木之有根也律書云氏  
者言萬物皆至也亢者言萬物亢見也角者言萬物皆  
有枝格如角也月令云仲秋之月日在角仲夏之月旦  
亢中季冬之月旦氏中周語云辰角見而雨畢天根見  
而水涸本見而草木節解韋昭注辰角大辰蒼龍之角  
角星名也見者朝見東方建戌之初寒露節也天根氏



亢之間謂寒露雨畢之後五日天根朝見本氏也謂寒  
露之後十日是則氏又名本也壽星者晉語云歲在壽  
星又云復於壽星韋昭注自軫十二度至氏四度為壽  
星之次是角亢氏俱屬壽星也開元占經分野略例云  
於辰在辰為壽星三月之時萬物始達於地春氣布養  
萬物各盡其天性不罹天夭故曰壽星漢書郊祀志杜  
毫有壽星祠史記索隱  
以為南極老人星誤

**天駟房也**注龍為天馬故房四星謂之天駟大辰房心

**尾也**注龍星明者以為時候故曰大辰大火謂之大辰

注大火心也在中最高明故時候主焉疏房者四星直下

房者言萬物門戶也至於門則出矣天駟者天官書房  
為天府曰天駟索隱引詩紀曆樞云房為天駟主車駕  
宋均云房既近心為明堂又別為天府及天駟也按駟  
即馬祖也房南星曰左驂北星曰右驂中二星曰左服  
右服是則四星合為天駟也周語云駟見而隕霜又云  
月在天駟又云辰馬農祥也韋昭注辰馬謂房心星也

駟馬也故曰辰馬房星晨正謂立春之日晨中於午也○心

又注農祥房星也晨正謂立春之日晨中於午也○心

者三星中央色最明尾者九星如鉤首上歧律書云尾

言萬物始生如尾也心言萬物始生有華心也天官書

心為明堂尾為九子夏小正云五月大火中六月斗柄

正在上用此見斗柄之不正當心也蓋當依依尾也是

尾一名依依尾聲同語有輕重耳辰者說文農字解云

辰訓時也又辰云房星天時也農云房星為民田時者是

辰最明大也春秋昭十七年有星孛于大辰穀梁傳于

大辰者濫于大辰也范甯注引劉向曰謂濫于蒼龍之

體不獨加大火左傳正義引李巡云大辰蒼龍宿之體

最為明故曰房心尾也大辰蒼龍宿心以候四時故曰  
辰孫炎曰龍星明者以為時候故曰大辰大火心也  
中最高明故時候主焉夏小正云八月辰則伏辰也者謂  
心也然則小正單舉心說文單舉房其大辰實房心尾三宿  
通有辰名也○又言大火謂之大辰者大火謂心也左  
氏襄九年傳古之火正或會於心是故心為大火公羊  
昭十七年傳大火為大辰伐為大辰北辰亦為大辰按  
此所謂三大辰也唐虞夏皆五月昏火中故堯典以星



火正仲夏夏小正五月初昏大火中是也周秦則六月  
昏火中故左氏昭三年傳火中寒暑乃退黜昏中而  
輿季終月令云季夏之月昏火中是也然則周秦上  
校虞夏星候差及一次此昏旦中星所以不同也火至  
初秋則昏見於西詩云七月流火是也火以三月始出  
九月之昏始入十月之昏則伏左氏哀十七年傳火伏  
而後蟄者畢是也既言大辰房心尾又言心為大辰者  
心三星最明大舉頭即見故詩屢言三星皆謂心也所  
以名大火者分野略例云於辰在卯為大火  
東方為木心星在卯火出木星故曰大火

**析木之津箕斗之間漢津也**注箕龍尾斗南斗天漢之

**津梁**疏箕者四星狀如簸箕律書云箕者言萬物根棋  
榘解徐廣曰故曰箕天官書云箕為敖容曰口  
舌詩巷伯箋箕星哆然踵狹而舌廣大東箋翁猶引也  
引舌者謂上星相近按箕有口舌之象故詩以喻讒言  
有簸揚之義故書云星好風也斗者六星狀如北斗天  
官書云南斗為廟其北建星建星者旗也月令云仲冬  
之月日在斗仲春之月日建星中孟秋之月昏建星中  
按建星在斗魁上形如箕月令以建星識南斗用此見

昏旦之不正當斗也漢津者大河水氣也精光轉運於天夏小  
無所明雲漢箋倬然天河也案戶也者直戶也言正  
正云七月漢案戶漢也者河也案戶也者直戶也言正  
南北也今按河漢分南北二道北指危室南橫箕斗爾  
雅獨言箕斗者以箕為木宿二宿相交於漢  
有津梁之義故曰漢津然則不言析水言析木者天漢  
起自尾宿於辰在寅為木故主起處而名為析木也左  
氏昭八年正義引孫炎曰析別水木以箕斗之間是天  
漢之津也左傳及周語竝云析木之津韋昭注津天漢  
也析木次名從尾十度至南斗十一度為析木其間為  
漢津是則經典俱作析木之津今爾雅宋本  
析木下有謂字郭注有即漢津也四字竝非

**星紀斗牽牛也**注牽牛斗者日月五星之所終始故謂

之星紀疏牽牛者律書云言陽氣牽引萬物出之也牛  
萬物也按牽牛即何鼓非牛星也牛六星角上歧腹下  
號廢其星微小爾雅以牽牛為星紀不以牛宿為星紀  
也舊說多誤詳見下文星紀者分野略例云自南斗十  
二度至須女七度於辰在丑為星紀星紀者言其統紀



萬物十二月之位萬物之所終始故曰星紀也郭義本  
孫炎釀註賦辨左月令注仲冬者日月會於星紀大宗  
伯疏引星備云五星初起牽牛逸周書周月篇云日月  
俱起于牽牛之初右回而行月周天進一次而與日合  
謂日月權輿按逸書及爾雅皆據周而言也上溯虞夏  
冬至日在虛為玄枵正中殷在婺女周在牽牛則斗植  
星紀之初為十二次紀首故曰星紀至漢冬至日在斗  
元明在箕則為  
析木之津正中

**玄枵虛也**注虛在正北北方黑色枵之言耗耗亦虛意

**顓頊之虛虛也**注顓頊水德位在北方北陸虛也注虛

星之名凡四疏虛者二星上下如連珠律書云虛者能  
則一陰下藏一陽上舒故曰虛天官書虛為哭泣之事  
堯典宵中星虛月令季秋之月昏虛中是虞夏以仲秋  
昏虛中周秦則在季秋此所謂歲差也玄枵者說文引  
春秋傳歲在玄枵玄枵虛也左氏襄廿八年傳淫於玄

枵玄枵虛中也枵耗名也正義引孫炎曰虛在北方北  
方色玄故曰玄枵枵之言耗耗虛之意也分野略例云  
自須女八度至危十五度於辰在子為玄枵也玄者黑  
北方之色枵者耗也十一月之時陽氣在下陰氣在上  
萬物幽外未有生者天地空虛故曰玄枵也按亦曰天  
龍周語云星在天龍韋昭注天龍次名一曰玄枵也○  
顓頊之虛者左氏昭十年傳今茲歲在顓頊之虛正義  
曰北方之次以玄枵為中玄枵次有三宿又虛在其中  
以水位在北顓頊居之故謂玄枵虛星為顓頊之虛也  
按北方三宿婺女虛危爾雅不言女危以虛在中舉中  
足以包之也○北陸者左氏昭四年傳古者日在北陸  
而藏冰杜預注陸道也謂夏十二月日在虛危正義引  
孫炎云陸中也北方之宿虛為中也按郭云虛  
星凡四者連虛為數其實虛星有此三名也

**營室謂之定**注定正也作宮室皆以營室中為正**娥觜**

**之口營室東壁也**注營室東壁星四方似口因名云疏  
營室者二星相對出角綴離宮六星兩兩而居律書云  
營室者主營胎孫儻鈿陽氣而產之天官書云營室為

營室者二星相對出角綴離宮六星兩兩而居律書云







於辰在酉為大梁昴為大梁之次之中星也詩七月正義引孫炎曰西方之宿昴為中也按大梁三宿胃昴畢爾雅獨言昴者亦舉中以包之。西陸者左昭四年傳西陸朝覲而出之正義引鄭志荅孫皓問云西陸朝覲謂四月立夏之時按四月昴則見是鄭以西陸朝覲為昴星朝見也二十八宿分列四方當有四陸左傳爾雅獨言北陸而陸又於二陸之中各舉一星為識故云北陸虛也西陸昴也是皆舉一以包之耳

**濁謂之畢**

**注**掩兔之畢或呼為濁因星形以名**疏**畢者

畢者畢也出說文云畢田罔也从畢象畢形微也天官書云畢日旱車為邊兵主弋獵詩大東傳畢所以掩兔也箋云祭器有畢者所以助載鼎實按畢有二義詩云畢之羅之是田網名畢也特性饋食禮云宗人執畢是祭器名畢也鄭注畢狀如又蓋為其似畢星取名焉然則田網祭器皆象畢星義得兩通毛傳為長故郭義所本也月令孟夏之日在畢孟秋之日旦畢中月離于畢畢星好雨詩書說之詳矣濁者假借字也律書云濁者觸也言萬物皆觸外也故曰濁是濁以觸為義亦象星形濁或作濁又作濁皆象形兼取聲也詩漸漸之石

傳畢躅也盧令箋畢躅也正義引李巡云濁陰氣獨起陽氣必止故曰畢畢止也孫炎曰掩兔之畢或謂之濁因以名星

**味謂之柳**

**注**味朱鳥之口柳鶉火也**注**鶉鳥名火屬南

**方****疏**柳者八星曲頭垂似柳月令云季夏之月日在柳

文云鳥口也天官書玄柳為鳥注律書云注者言萬物

之始衰陽氣下注故曰注索隱曰注味也考工記斲人

注斲之揉者形如注星是皆以注為味也味又作喙索

隱引漢書天文志注作啄爾雅鳥喙謂之柳孫炎云喙

朱鳥之口柳其星聚也味又作喙詩小星傳三心五喙

正義引元命苞云柳五星釋文引爾雅作喙謂之柳鄭

象鶉火也鄭注鶉火朱鳥宿之柳左襄九年傳古之火

佳

七



在午為鶉火南方為火言五月之時陽氣始隆火星皆  
中在朱鳥之處故曰鶉火南方三次曰鶉首鶉火鶉尾  
舉中以包之柳居鶉火之首故舉以為識

**北極謂之北辰**注北極天之中以正四時**疏**北極謂之北辰

其所說者謂北極五星第五為天樞最小是不動處然  
實不動處猶在樞星之下今按樞星非不動但其動也  
微人所不見故以為其所耳北極者天官書云紫微中  
天極星索隱引春秋合誠圖云北極其星五在紫微中  
楊泉物理論云北極天之中心也居北方正  
故公羊昭十七年疏引李巡云北極天中以正四時謂之北  
四時謂之北辰孫炎云北極天與心伐同為三大辰何  
辰是郭所本也然公羊以北極與心伐同為三大辰何  
休注迷惑不知東西者須視北辰以別心伐所拱向也  
故文選長楊賦注引天官星占曰北辰一名天關關者  
樞機之地總要之名也天官書謂之太一棋一關關者  
融謂之太極楊爨爨爨爨爨爨爨爨爨爨爨爨爨爨爨  
氏謂之天皇大帝耀魄寶弘鯨淵疏是皆北辰之異名

也雖語出緯書理難徵信要以星精為帝帝位應星爾  
雅言星以該帝緯書名帝以著星其義相通其實不異  
或以帝號疑星名二文非  
舛以此致疑則陋矣

**何鼓謂之牽牛**注今荆楚人呼牽牛星為擔鼓擔者荷

**也**疏此申釋牽牛之名以附列宿之後明星紀之牽牛

紀之牽牛誤矣今驗牽牛三星牛六星天官書誤以牛  
星為牽牛故以何鼓牽牛為二星矣牛延相曰牛宿其  
狀如牛何鼓直何鼓中星最明舉頭即見而牛宿差不甚  
皖明星貌也何鼓中星最明舉頭即見而牛宿差不甚  
顯詩人觸景攄情不宐舍極明之何鼓而取難見之牛  
宿皖彼之詠謂何鼓不謂牛宿明矣毛傳取爾雅為釋  
精當不移月令季春旦牽牛中仲秋昏牽牛中皆何鼓  
也凡舉中星不必皆正指其宿有仲春弧建之例夏小  
正之織女南門亦其比也考諸經典無名牛宿曰牽牛  
者天官書云南門亦其比也考諸經典無名牛宿曰牽牛  
始今按牟氏此說足訂史記之誤何鼓蓋星家失傳自此  
轉耳郭云擔鼓者荷也擔荷說文作儋何今南方農



語猶呼此星為扁擔蓋因何鼓三星中豐而兩頭銳下有儋何之象故因名焉自史記誤以何鼓牽牛為二星釋爾雅者因之而誤故詩大東正義引李巡曰何鼓牽牛皆二十八宿名也孫炎曰何鼓之旗十二星在牽牛北故或名何鼓為牽牛也譙黠馱爾雅以何鼓牽牛為一星如李孫之義則二星孫炎又引何鼓左右之旗強名為何鼓斯皆失矣文選長楊賦注引星經曰牽牛神一名天關然則星紀之名蓋以此

**明星謂之启明** 注 大白星也晨見東方為启明星為長庚

方為大白 疏 出謂明星為啟明也通作啟詩大東傳日且

正義引孫炎曰明星大白也晨出東方高三舍命曰啟

明昏出西方高三舍命曰大白天官書索隱引韓詩云

大白晨出東方為啟明昏見西方為長庚是皆孫郭義

所本也大白一名大嚙覲其謂之明星者詩明星有

爛明星煌煌是也启明又曰開明大戴禮四代篇云東

有開明避漢諱改也此釋五星之異名餘四星不言者

略之廣雅 則詳矣

**彗星為欃槍** 注 亦謂之孛言其形孛孛似埽彗 疏 彗者

云埽竹也或从竹作彗釋名云彗星亮稍似彗也孛星

星旁氣孛孛然也天官書正義云彗者一各埽星本

類星未類彗小者數寸長或竟天而體無亮假日之

光故夕見則東指晨見則西指若日南北皆隨日光而

指一切經音義二引孫炎曰妖星也四曰彗按彗春秋

作孛凡三見文十四年有星孛入于北斗公羊傳孛者

何彗星也穀梁傳孛之為言猶第也昭十七年有星孛

于大辰西及漢左傳彗所以除舊布新也哀十三年有

星孛于東方公羊傳其言于東方何見于旦也欃槍者

開元占經八十五引孫炎云欃槍妖星別名也天官書

云歲星之精生天棊彗星天欃槍天槍天文志云欃槍

彗雖異其殃一也是史記漢書俱以彗星欃槍為非一

星與爾雅異孫炎 注 四曰彗本漢志

**奔星為杓約** 注 流星 疏 奔星者天文志云彗孛飛流張

注 飛絕迹而去也流杓迹相連也然則飛流有異郭以

奔星即流星者流奔雖有遲速大小之異其類則同故



占經七十一引爾雅舊注云流星大而疾曰奔是也  
者說文約也占經引舊注云竹便窕切驪駘約三蒲反  
韻蓋言奔星急疾之狀耳

### 星名

**疏**

按經星二十有八爾雅止記十七其未

及者北方則須女也危也西方則胃也  
背騰也參也南方則東井也輿鬼也七星也張  
也翼也軫也十有二次止言其九其未及者則  
實沈也鶉首也鶉尾也填星也辰星也蓋爾雅釋  
者則歲星也熒惑也填星也辰星也蓋爾雅釋  
六藝之文文有不備可類推也又如月令所載  
二十六星益以建弧而無箕昴鬼張史記曆書  
備二十八星之號有建罰狼弧而無斗觜井鬼  
是則爾雅之不備非缺脫也鄭樵疑為簡編之  
失非矣獨淮南天文及漢書曆志所載二十八  
宿與今世無異蓋舊有此名也至於分野之說  
亦星家所傳不知所自起周禮係章氏以星土  
辨九州之地所封域皆有分星以觀妖祥鄭  
眾說星土以春秋傳曰參為晉星商主大火國  
語曰歲之所在則我有周之分野之屬是也鄭

### 春祭曰祠

**注**

祠之言倉夏祭曰祔

**注**

新菜可洵秋祭曰

### 嘗

**注**

嘗新穀冬祭曰烝

**注**

進品物也

為四時祭名也禮王制云天子諸侯宗廟之祭春曰禘  
夏曰禘秋曰嘗冬曰烝鄭注此蓋夏殷之祭名周則改  
之春曰祠夏曰禘以禘為殷祭詩禴祠烝嘗于公先王  
大宗伯以祠春禴夏嘗秋烝冬享先王然則四時祭名  
蓋周公所定也說文云春祭曰祠品物少多文詞也禘  
夏祭也王制正義引皇氏云禘祠品物少多文詞也禘  
鮮薄也春秋繁露云祠者以正月始倉非也禘者以四  
月倉麥也嘗者以七月嘗黍稷也蒸者以十月進初稻

注云大界則曰九州州中諸國中之分域於星  
亦有分焉其書亾矣堪輿雖有郡國所入度非  
古數也今其存可言者十二次之分也星紀吳  
越也玄枵齊也娵訾衛也降婁魯也大梁趙也  
實沈晉也鶉首秦也鶉火周也鶉尾楚也壽星  
鄭也大火宋也析木燕也此分野之妖祥主用  
客星彗孛之氣為象按爾雅  
兼及彗星奔星意亦如此



也又曰始生故曰祠善其司也夏約故曰初約也先成故曰嘗嘗言甘也畢熟故曰蒸蒸言眾也此皆釋其名與其義也詩正義引孫炎云祠之言會驢酌新菜可灼嘗嘗新穀烝進品物也郭注俱本孫炎

**祭天曰燔柴** 注 既祭積薪燒之祭地曰瘞 注 既祭埋

**藏之** 疏 燔柴者說文作焚柴云燒柴燔燎以祭天神按體焉或有玉幣燔燎而升煙是則燔以玉幣柴以牲體

鄭眾注實柴實牛柴是也亦謂之炮祭大祝辨九祭三日炮祭鄭眾注炮祭燔柴也祭法云燔柴於泰壇祭

天也大宗伯以禋祀昊天上帝以實柴祀日月星辰以禋燎祀司中司命觀師雨師皆天神之屬○瘞埋者

亦兼牲玉而言詩鳧鷖正義引李巡曰祭地以玉埋地中曰瘞埋孫炎曰瘞者翳也既祭翳藏地中禮運注云

埋牲曰瘞李巡舉玉康成舉牲實則瘞葬之中兼包二義故鄭於司巫注云瘞謂若祭地祇有埋牲玉者也祭

法云瘞埋於泰折祭地也大宗伯注祭山林曰埋又云祇祭地可知也

不言祭地可知也

**祭山曰瘞縣** 注 或瘞或縣置之於山山海經曰縣以吉

**玉是也祭川曰浮沈** 注 投祭水中或浮或沈 疏 瘞縣者

祭山丘陵升賈疏引爾雅而申之云升即瘞縣也公羊

僖卅一年疏引李巡曰祭山以黃玉及璧以瘞置几上遙遙而眠之若縣故曰瘞縣孫炎曰瘞縣埋於山足曰

瘞埋於山上曰瘞縣按大宗伯注祭山林曰瘞如孫炎說則瘞縣即是埋如李巡說則瘞為度置李說是也爾雅

與周禮不同鄭志荅張逸問已言之矣鬻釋文瘞本或作度又作歧今按亦借作祈考工記玉人注祈沈以

馬釋文引小爾雅曰祭山川曰祈沈祈九委反與瘞同音則祈即瘞也鄭注本爾雅亦無此文恐

誤引耳○浮沈者觀禮祭川沈賈疏云不言浮亦文略也公羊疏引孫炎云置祭於水中或浮或沈故曰浮沈

邵氏正義以為祭川竝用牲玉故或沈或浮金鶚求古錄駁之云據周官小子凡沈辜侯禴飾其牲鄭司農注

沈謂祭川是沈以牲不以玉也左傳之沈玉非祭禮觀

書所定言非周制也



祭星曰布注布散祭於地祭風曰磔注今俗當大道中

磔狗云以止風此其象疏祭星者蓋為壇祭之祭法云

字之誤也幽禁亦謂星壇也星以昏始見祭之言營也

布者釋文引李巡曰祭星者以祭布露地故曰布孫炎

曰既祭布散於地似星辰布列也疏按封禪書有

釋名云祭星曰布布取其象之布也疏按封禪書有

諸布諸嚴諸述之屬索隱引爾雅或云諸布是祭星之

處○磔者說文云辜也按辜即鬮辜也祭風者左氏昭

元年傳雪霜風雨之不時於是乎祭之是古有祭風之

禮也大宗伯以禋燎祭觀師蓋磔牲體而燔燎之公羊

僖卅一年疏引李巡曰祭風以牲頭蹄及皮破之以祭

故曰磔孫炎云既祭披磔其牲以風散之郭云磔狗以

止風者大宗伯注鄭眾云罷辜披磔牲以祭若今時磔

狗祭以止風封禪書云磔狗邑四門以禦蠱蓄索隱引

風俗通云殺犬磔禳也按淮南萬畢術云黑犬皮毛燒

灰揚之止天風然則磔狗祭風蓋古遺法秦人磔狗禦

蠱當亦祭

風之意

是禩是禩師祭也注師出征伐類於上帝禩於所征之

地疏禩者說文云以事類祭天神書云肆類于上帝詩

在南方就南郊祭之周禮肆師注類依郊祀而為之

引大傳曰柴于上帝然則類者以類于郊祀而名也然

小宗伯云四類亦如之鄭眾注日月星辰小宗伯又云凡天

地之大裁類社稷宗廟則為位鄭注類者依其正禮而

為之是凡祭皆有類唯類於上帝為尊耳類為師祭者

王制云天子將出征類乎上帝是也禩者說文云師行

所止恐有慢其神下而祀之曰禩引周禮曰禩於所征

之地詩序云桓講武類禩也為兵禱其禮亦禩於野曰

禩王制注禩師祭也為兵禱其禮亦禩於野曰禩

云祭表貉則為位鄭注貉師祭也禩者禱氣勢之增倍也其

於所立表之處為師祭造軍灋者禱氣勢之增倍也其

神蓋蚩蚘或曰黃帝又旬祝云掌表貉之祝號杜子春

讀貉為百爾所思之百書亦或為禩貉兵祭也旬以講

武治兵故有兵祭引詩及爾雅然則禩本兵祭因田

獵習兵故亦依倣為之實則禩宜於所征之地也



既伯既禱馬祭也注伯祭馬祖也將用馬力必先祭其

先疏伯者詩吉日傳伯馬祖也重物慎微將用馬力必

馬祭也甸祝云禱牲引詩及爾雅為禱然則詩之既伯

疾為田禱多獲禽牲引詩及爾雅為禱然則詩之既伯

是為馬祭即甸祝禱馬是也詩之既禱乃為獲禽即甸

祝禱牲是也爾雅主為釋詩當云伯馬祭也禱禽祭也

今壹不言直云馬祭也者以馬為重故特釋之不言禱

禽略可知也此與釋訓徒御不驚輦者也文義正同彼

以輦者釋徒不釋御亦略之

禘大祭也注五年一大祭疏禘者說文云諦祭也引周

也公羊文二年傳五年而再殷祭何休注以為五年禘

也按禘之名古多異說有時祭之禘則王制云春日禘

夏日禘祭義云春禘秋嘗鄭注竝以為夏殷禮也有殷

祭之禘則詩序云雝禘大祖也鄭箋禘大祭也大於四

時而小於禘又有郊祭之禘亦詩序云長發大禘也鄭

箋大禘郊祭天也祭法云有虞氏禘黃帝而郊嚳鄭注

此禘謂祭昊天於圜丘也禮謂禘謂大祭蓋主圜丘之禘

有七園丘之祭為最大爾雅所謂大祭蓋主圜丘之禘

故在釋天篇中孫炎郭璞皆以禘為五年一大祭非也

年禘僖六年禘八年禘凡三年喪畢新君二年為禘

新君三年為禘閔公二年五月吉禘于莊公則禘當在

吉禘之前是鄭據禮緯三年禘五年禘之文以正魯禮

之非故王制注魯禮三年喪畢而禘於大祖明年春禘

於羣廟自爾之後五年而再殷祭一禘一禘此鄭據魯

禮云然耳非通義也實則魯禘非禮春秋書之皆以示

譏杜預不知此意見經所書便以為禮故僖八年禘于

大廟注云禘三年大祭之名此妄說也王制正義曲殉

即禘也尤謬

釋又祭也注祭之明日尋繹復祭周曰繹注春秋經曰

壬午猶繹商曰彤注書曰高宗彤日夏曰復胙注未見

義所出疏禘之名四代所同繹則三代異名繹者方言

云長也白虎通封禪篇云繹繹者無窮之意

云長也白虎通封禪篇云繹繹者無窮之意

云長也白虎通封禪篇云繹繹者無窮之意



也是繹取尋繹不絕故曰又祭詩絲衣序繹賓尸也鄭箋繹又祭也天子諸侯曰繹以祭之明日卿大夫曰賓尸與祭同日知繹以明日者春秋宣八年經云辛巳有事于大廟仲遂卒于坐壬午猶繹然則辛巳壬午正得二日故公羊傳繹者何祭之明日也詩正義引李巡曰繹明日復祭日又祭左傳正義引孫炎曰祭之明日尋繹復祭也何休注禮繹祭昨日事但不灌地降神爾禮器云為祊乎外鄭注祊祭明日之繹祭也謂之祊者於廟門之旁因名焉有司徹注天子諸侯明日祭於祊而繹是皆繹之禮與其地也釋文繹或作禋明日祭於祊而二字竝俗作禮郊特牲云繹之於庫門內孔子曰失之矣蓋亦譏時人也○彤者融之假音也書云高宗彤日絲衣箋商謂之彤釋文彤作融是也釋詁融長也方言融與繹俱訓長是融繹義同詩正義引孫炎曰彤者亦相尋不絕之意公羊注彤者彤彤不絕是皆以彤為融故左氏隱元年傳其樂也融融文選思玄賦作彤彤李善注融與彤古字通也○夏日復昨者絲衣箋及公羊注引爾雅竝無此句徐彥疏云諸家爾雅悉無此言故不引之然則此句獨郭本有之也釋文昨本作昨又音

祚

### 祭名

**春獵為蒐** [注] 搜索取不任者 **夏獵為苗** [注] 為苗稼除害

**秋獵為獮** [注] 順殺氣也 **冬獵為狩** [注] 得獸取之無所擇

[疏] 四時之田通謂之獵何獵者捷也蔡邕月令章句云獵者捷取之名也說文獵畋獵也逐禽也釋言云獵

虐也蒐者當作搜穀梁桓四年釋文蒐糜氏本又作搜是也按訓求故以為搜索取禽之名或作搜祭義搜狩

鄭注春獵為搜搜即搜之假借矣○苗者左氏隱五年正義引大司馬注鄭解苗田言擇取不孕任者若治苗

去不秀實者孫炎亦然鄭孫義同爾雅舊注以為為苗除害其義疏矣○獮者釋詁云殺也說文作獮云秋

田也左傳釋文引亦同爾雅釋文又引作從爾或作禱從示竝非也說文獮從示從爾或作禱

古音矣因息淺之音遂改說文從爾以就其讀玉篇又出獮字亦作禱今按作禱是也說文徐錯本示部云禱

佳

三



秋畋也从示爾聲與犬部从壘聲者音近義同獵或作  
祿从豕與壘聲亦近可知从爾者非。狩者說文云犬  
田也周語云狩于畢時夏小正云十一月王狩是狩以  
仲冬也謂之狩者詩叔于田及伐檀正義引李巡曰冬  
圍守而取禽無所擇也左氏隱五年傳春蒐夏苗秋獮  
冬狩杜預注蒐索擇取不孕者苗為苗除害也獮殺也  
以殺為名順秋氣也狩圍守也冬物畢成獲則取之無  
所擇也正義引爾雅四時獵名與此同說者皆如此注  
故杜依用之據此知杜依爾雅舊注郭亦然也經典言  
此四獵多有異文周語云蒐於農隙獮於旣烝狩於畢  
時旣闕苗名公羊桓四年傳春曰苗秋曰蒐冬曰狩又  
闕夏田穀梁傳春曰田夏曰苗秋曰蒐冬曰狩雖具諸  
名文復參差獨周禮大司馬及隱五年左傳與爾雅合  
又詩車攻云駕言行狩復云之子于苗苗狩互見春秋  
屢書蒐狩不言苗獮偏闕二文禮玉藻云唯君有黼裘  
以誓省鄭注省當為獮獮秋田也經典所言略備於此  
矣

**宵田為獮**注管子曰獮獵畢弋今江東亦呼獵為獮音

遼或曰即今夜獵載鑪照也**火田為狩**注放火烧草獵

亦為狩疏此釋非時之田也獮者說文云獵也不云宵

以互見為文也詩火烈具舉正義曰此為宵田故持火

炤之伐檀正義引郭注云獮猶燎也今之夜獵載鑪照

者也江東亦呼獵為獮管子曰獮獵畢弋較今本郭注

文義為長所引管子四稱篇文也爾雅釋文獮或作燎

獮獵聲轉義同故鄭引獮即作獵矣。狩者與冬獵同

名故郭云亦也火田者王制云昆蟲未蟄不以火田周

禮羅氏蠃則作羅禱鄭注今俗放火張羅承之以取禽獸春秋

云漢之俗閒在上放火於下張羅承之以取禽獸春秋  
桓七年二月焚咸丘杜預注焚火田也譏盡物  
正義引李巡孫炎皆云放火烧草守其下風

**乃立冢土戎醜攸行**注冢土大社戎醜大眾起大事動  
**大眾必先有事乎社而後出謂之宐**注有事祭也周官  
所謂宐乎社疏冢戎釋詁竝云大也醜眾也此釋詩緜  
篇文冢土大社毛傳文也天子之社謂

案足本此下有云今按火田  
非古也夏官春蒐已言火擊  
王制畢整乃以火田田知爾雅  
此語蓋亦後人所增何以明之  
昆蟲雖整公膺之屬半區  
草根淺土休息隨陽今烈  
焙焚燒聚族獵旃仁人用心  
當不若是詩言大烈具臯春  
秋書焚咸丘左傳定四年於大陸



焚焉三者皆識淫獵孔子垂教不弋宿鳥周公作法乃容大田禮經漢儒所傳恐有增飾康成注經以故大張羅為漢俗可知斯事不起於古矣

之大社祭法云王為羣姓立社曰大社是也起大事動大眾必先有事乎社而後出者縣正義引孫炎曰大事兵也有事祭也知兵為大事者左氏成十三年傳國之大事在祀與戎是也春秋書有事于大廟韞入有事于武宮瑯針皆謂祭事故知祭為有事也謂之宐者縣正義曰兵凶戰危慮有負敗祭之以求其福宐故謂之宐孫炎曰宐求見使祐也禮証議翻惟眾引春秋傳曰君大祝云大師宐乎社又云設軍社鄭眾引春秋傳曰君以師行祓社釁鼓祝奉以從賈疏云宐祭於社即將社主行是也

**振旅闐闐**注振旅整眾闐闐羣行聲出為治兵尙威武

**也**注幼賤在前貴勇力入為振旅反尊卑也注尊老在前復常儀也疏旅者釋詁云眾也振者整齊之意詩采

蓋師旅整嚴之象出為治兵入為振旅者春秋莊八年公穀傳文但公羊治兵作祠兵祠即治也故采芑箋引傳仍作治兵矣何休注謂云尙威武反尊卑也者詩正義引孫炎曰出則幼賤在前貴勇力也入則尊老在前

復常法也是郭所本又按大司馬云中春教振旅中秋教治兵蓋春主農事故以入言秋尙威武故以出言是為二時習戰之名也左氏隱五年傳三年而治兵入而振旅又為三年習戰之名也穀梁以治兵振旅為習戰公羊亦云其禮一也皆習戰也公穀之義與爾雅合

### 講武

**素錦綢杠**注以白地錦韜旗之竿纁帛繆注纁帛絳也

繆眾旒所著素陞龍于繆注畫白龍於繆令上向練旒

**九**注練絳練也飾以組注用綦組飾旒之邊維以縷注

用朱縷維連持之不欲令曳地周禮曰六人維王之大

常是也疏此釋龍旂之制也錦者說文云襄邑織文綢

文但彼褻莽所用故綢以練此吉事所用故綢以錦也綢皆讀若韜謂纏縣之也杠者釋文引廣雅云天子之



杠高九仞諸侯七仞卿大夫五仞士三仞縹者絳也帛者緇也大宗伯注帛如今璧色緇也明堂位注引此文帛作白縹白縹者言以絳色及白緇為縹也縹者說文以為旒旗之游蓋旒所著處故詩干旌正義引孫炎曰為旒於縹按巾車注正幅為縹旒則屬焉賈疏正幅為縹爾雅文又覲禮疏爾雅說旌旗云正幅為縹據此二文可知爾雅今本蓋脫去四字也云素陞龍于縹者明堂位注引陞作升覲禮侯氏禕疏引白虎通云禮記曰天子乘龍載大旗象日月升龍傳曰天子升龍諸侯降龍按司常云交龍為旂鄭注諸侯畫交龍一象其升朝也爾雅綢杠升龍皆用素蓋旂從殷制商頌所言龍旂十棗必是白色賈公彥司常疏引此以為施於棗之期非無見也練者說文云凍縹也經典說練皆純素郭注絳練非也郭憲蓋以周人尚赤據司常注九旗之帛皆用絳因以此練為絳練耳然司常是周制爾雅練旒白明是殷制何可同也旒者當作流說文游旒竝云旌旗之流也爾雅釋文旒經典亦作流是也又引廣雅天子十二旒至地諸侯九旒至軫卿大夫七旒至轂士三旒至肩然則練旒九者必是殷制與周不同周制天

子十二旒亦不容九旒矣組者說文綬屬詩素絲組之箋以素絲縷縫組於旌旗以為之飾蓋本此為說也是組用素郭云綦組亦非據釋文綦本亦作纂說文纂似組而赤以此注上下推之知郭本綦必作纂矣維者持之也縷者綫也周禮節服氏六人維王之常鄭注維之也以縷者王旌十二旒兩兩以縷綴連焉三人持之禮天子旌曳地詩正義引孫炎曰維持以縷不欲其曳地然則組飾其上縷持其旁以詩素組準之知縷亦當用素箋云素絲為縷是矣郭云朱縷非也

**緇廣充幅長尋曰旒**注帛全幅長八尺繼旒曰旒注帛

續旒末為燕尾者義見詩疏旒者說文云龜旒四游以日縣鄙建旒本司常及輶人文也釋名云旒兆也龜知氣兆之吉凶建之於後察度事宐之形兆也縹者帛黑也公羊宣十二年疏引孫炎云縹黑縹也云廣充幅長尋者充終也布幅廣二尺二寸帛幅廣二尺四寸然則旒之制以緇廣充幅長尋曰旒恐誤也旒畫龜蛇屬北



方宿是當以黑為主檀弓云設旒夏也然則旒從夏制知色尚黑矣鄭注用爾雅而云旒之旒縹布廣充幅長尋曰旒於縹上增旒之旒三字縹下增布字蓋以設旒與設披設崇其事同類故釋旒為旒之旒非爾雅之義○旒者說文云繼旒末也公羊疏引孫炎云帛續旒末亦長旒也以帛繼旒末也公羊疏引孫炎云帛續旒末亦長尋詩云帛旒英英是也郭云帛續旒末為燕尾者公羊注繼旒如燕尾曰旒不言用帛釋名云襍帛為旒以襍色綴其邊為燕尾也郭云義見詩者六月傳白旒亦襍色為之不專用白矣郭云義見詩者六月傳白旒亦襍者也按白與帛古字通故知帛續旒末矣詩正義及釋文旒俱作棧釋文棧本又作旒蒲貝反繼旒曰棧左傳云棧棧是也

**注旒首曰旒** 注載旒於竿頭如今之幢亦有旒 疏旒者云游車載旒 詞常析羽注旒首所以精進士卒釋名云析羽為旒 詞旒精也精光也又云縹有虞氏之旒也注旒竿首其形彙彙然也以縹為有虞氏旒本明堂位文鄭注注旒牛尾於杠首所謂大麾詩干旒正義引

李巡曰旒牛尾著于首孫炎曰析五采羽注旒上也其下亦有旒縹然則旒者其上有旒其下有羽爾雅不言羽者疑有虞氏惟竿首注旒其形縹縹因謂之縹至周加文析采羽為飾故周禮夏采注縹以旒牛尾為之綴於幢上所謂注旒於干首者是鄭亦以注旒首為有虞氏之縹且爾雅旒用殷制旒用夏制則旒宜用有虞之制也許君說旒云折羽注旒首蓋以周制兼虞制言爾雅不言析羽無妨專言有虞之制也夏采序官注謂有虞氏已以夏翟羽為縹恐未然也郭云載旒於竿頭如今之幢者釋言注今之羽葆幢是矣

**有鈴曰旂** 注縣鈴於竿頭畫交龍於旒 疏此覆說旂事云令丁也旂有鈴者說文旗有眾鈴以令眾也其鈴所在之處則詩載見傳鈴在旂上公羊宣十二年疏引孫

炎曰鈴在旂上旂者畫龍詩正義引李巡曰以鈴著旒端郭注以為縣鈴竿頭似失之也又此上文說旂之制不言有鈴知鈴者詩言龍旂陽陽和鈴央央周頌文也必知鈴周制者詩言龍旂陽陽和鈴央央周頌文也必

**鎔革鳥曰旗** 注此謂合剝鳥皮毛置之竿頭即禮記云



載鴻及鳴鳶疏旗者說文云鎔革畫鳥其上所以進士

文也駟人云鳥旗七旂以象鵠火也詩六月傳鳥章鎔

革鳥為章也箋云鳥隼之文章正義引孫炎曰鎔置也

之鳥隼是則孫義本於鄭也公羊宣十二年疏引李巡

云以革為之置於旒端其說又異李巡之意蓋以司常

但云鳥隼為旒爾雅亦止云鎔革皆不言畫故云以革

為之置於旒端此即郭義所本但旒端與竿頭異耳郭

注合字未安汪氏中校定本據隨書禮儀五作全字是

矣御覽三百四十引爾雅舊注云刻為革鳥置竿首也

與郭注剥鳥皮毛又復不同參考諸家之說當以孫炎

為長郭義為短郭又引曲禮云載鴻及鳴鳶者其意亦謂載當載其皮毛

**因章曰旂**注以帛練為旒因其文章不復畫之周禮云

通帛為旂疏旂者說文云旗曲柄也所以旂表士眾引

卿建旒釋名云旂戰也戰戰恭己而已也通帛謂大赤

之無文采三孤所建象無事也司常注云通帛謂大赤

從周正色無飾又云孤卿不畫言奉王之政教而已按

因章者謂因帛之色以為章不加文飾故司常謂之通

帛爾雅謂之因章左氏僖廿八年正義引孫炎曰因其

繒色以為旂章不畫之是也又按爾雅釋文引世本云

黃帝作旂是旂起於黃帝其時蓋用黃色至周尚赤始

用絳帛以此推之知因章鎔革二條俱從周制也又文

### 旌旂

選而京賦薛綜注引爾雅無之

曰熊虎為旗今爾雅無之



釋天終

爾雅郭注義疏卷九

棲霞郝懿行學

釋地第九

疏

地者說文云元氣初分輕清陽為天重濁陰為地萬物所陳列也釋名云地者

底也其體底下載萬物也亦言諦也五土所生莫不審諦也白虎通云地者易也言養萬物懷任交易變化也許慎注淮南子云地麗也物理論云地底也著也陰體下著禮統云地施也諦也應變施化審諦不誤按大司徒云以天下土地之圖周知九州之地域廣輪之數辨其山林川澤丘陵墳衍原隰之名物此篇所釋自九州以訖四極其間陵藪異名原野異勢五方異氣莫不備載下篇釋丘釋山釋水皆地之事故總曰釋地

兩河閒曰冀州

注

自東河至西河

疏

冀者說文云北方州也釋名云冀州

取地以為名也其地有險有易帝王所都亂則冀治弱則冀強荒則冀豐也釋文引李巡云兩河閒其氣清厥



性相近故曰冀冀近也按職方云河內曰冀州此云兩河間者即兩河之內也言東河西河不言南河者以豫州見之又古以冀為中州之通名穀梁傳云鄭同姓之國也在乎冀州淮南覽冥篇注冀九州中謂今四海之內大荒北經注冀州中

河南曰豫州注自南河至漢疏豫者釋詁云安也釋名云豫州地在九州之中

京師東都所在常安豫也釋文引春秋元命苞云豫之言序也言陽氣分布各得其處故其氣平靜多序也又引李巡云河南其氣著密厥性安舒故曰豫豫舒也按禹貢豫州以荆河為界爾雅豫州以漢水為界知者以下文漢南曰荊州荊在漢南明豫在漢北矣郭云自南河至漢公羊莊十年疏引孫氏郭氏皆云自東河至西

河之南曰豫州與今本郭注異

西河曰雒州注自西河至黑水疏雒者邕之假借說文

雍州在四山之內雍翳也釋文雍者擁也東嶠西漢南商於北居庸四山之內擁翳也李巡云河西其氣蔽壅

厥性急凶故曰雍雍壅也又引太康地記云雍州兼得梁州之地西北之位陽所不及陰氣壅闕故取名焉按周禮及爾雅皆無梁州則雍州兼有梁州之地也禹貢雍梁皆西界黑水故郭據以為言至漢改雍梁為益州今其地則四川也

漢南曰荊州注自漢南至衡山之陽疏說文云荊楚木

取名於荆山也必取荆為名者荆警也南蠻數為寇逆其民有道後服無道先疆常警備之也邢疏引李巡云漢南其氣燥剛稟性強梁故曰荊荊強也按禹貢荊州言荆及衡陽爾雅言漢南者衡陽舉其南界漢南舉其北界也漢北即豫州界

江南曰揚州注自江南至海疏揚者釋名云揚州之界

太康地記云以揚州漸太陽位天氣奮揚履正含文明故取名焉禹貢正義引李巡云江南其氣燥勁厥性輕揚故曰揚揚輕也按禹貢言淮海惟揚州公羊疏引鄭注揚州界自淮而南至海以東也爾雅變淮言江者明



揚徐二州以江為界江南為揚州即知江北為徐州矣  
郭云自江南至海公羊疏引孫氏郭氏曰自江至南海  
也蓋至南二字誤  
倒當以今本為是

濟河閒曰兗州注自河東至濟疏濟兗說文作洧洧云

水出河東東垣王屋山東為洧洧名云兗州取洧水以  
為名也類聚六引春秋元命苞曰兗之言端也按兗州  
界東南據濟西北據河是在濟河閒也釋文及公羊疏  
引李巡云濟河閒其氣專質厥性信謹疏引議假翻故  
曰兗兗  
信也

濟東曰徐州注自濟東至海疏徐州者釋文引太康地

名云徐舒也土氣舒緩也公羊疏引李巡曰濟東至海  
濶海濶引辨其氣寬舒稟性安徐徐舒也又引孫炎與  
郭注同按禹貢徐州界東至海北至岱南至淮爾雅舉  
濟東為言者殷仍夏制徐兗二州以濟為界濟西為兗  
東為徐也至周并徐於青與夏殷異  
太康地記周合其地於青州是矣

燕曰幽州注自易水至北狄疏燕說文作薊云地名釋

平廣此地在涿鹿山南宛宛然以為國都也幽州在北  
幽昧之地也釋文引李巡云燕其氣淡要厥性剽疾故  
曰幽幽要也又引太康地記以為因於幽都為名或云  
北方太陰故以幽冥為號二者相依也按職方云東北  
曰幽州正北曰并州禹貢合幽於冀爾雅合并於幽公  
羊疏引孫郭竝云自易水至北狄也據職方涑易并州  
川漫昭余祁并州澤藪爾雅十藪燕有昭  
余祁此注易水屬燕是皆并合於幽之證

齊曰營州注自岱東至海此蓋殷制疏齊者以天齊淵

封禪書云齊所以為齊以天齊也集解蘇林曰當天中  
中齊素隱剔竈醜於常譎城有臆濟釋名云  
齊齊也地在勃海之南勃齊之中也營州者釋名云古  
有營州齊衛之地於天文屬營室取其名也公羊疏引  
李巡曰齊其氣清舒受性平均故曰營營平也今為青  
州又引孫郭竝云自岱東至海本禹貢青州界而言也  
釋文營者蓋取營丘以為號引博物志云營與青同海  
東有青丘齊有營丘豈是名乎按說苑辨物篇本爾雅



作齊曰青州是營卽青矣禹貢正義引漢末公孫度據  
遼東自號青州刺史以爲堯時青州當越海而有遼東  
也舜爲十二州分青州爲營州營州卽遼東其說是矣  
郭云此蓋殷制者釋文引李郭同詩周南召南譜正義  
引孫炎曰此蓋殷制禹貢有梁青無幽營周禮有幽并  
無徐營是孫炎以爾雅之文與禹貢周禮異故疑爲殷  
制今按十藪多異職方疑亦殷制

### 九州

**疏**

九州之制或云起於黃帝顓頊尙書獨  
其旁从重川魯堯遭洪水民居水中可居曰州周遼  
九州詩曰在河之州一曰州疇也各疇其土而  
生之是則九州之名蓋起於堯矣釋名云州注  
也郡國所注仰也禹貢序釋文引春秋說題辭  
云州之言殊也王制注云州猶聚也爾雅所釋  
則殷九州之疆域也逸周書大匡篇云三州之  
侯咸率程典篇云文王合六州之侯奉勤于商  
商頌云奄有九有毛傳九有九州也又云帝命  
式于九圍毛傳九圍九州皆其證

### 魯有大野

**注**

今高平鉅野縣東北澤是也

**疏**

釋名云魯鈍也

國多山水民性樸魯也按爾雅魯兼徐兗二州之地故  
禹貢大野屬徐州職方屬兗州爾雅實兼二文也左氏  
哀十四年傳西狩於大野杜預注與郭同晉地理志鉅  
野屬高平國漢志屬山陽郡史記夏紀集解引書鄭注  
大野在山陽鉅野北名鉅野澤今按鉅亦大也元和郡  
縣志云大野澤一名鉅野在縣東五里南北三百里東  
西百餘里水經濟濟水注引何承天云鉅野湖澤廣大南  
通洙泗北連清濟舊縣故城正在澤中然則鉅野古縣  
因藪澤爲名也

### 晉有大陸

**注**

今鉅鹿北廣河澤是也

**疏**

釋名云晉進也

名其水迅進也大陸者呂氏春秋有始覽及淮南墜形  
篇竝云晉之大陸高誘注大陸魏獻子所游焚焉而夙  
者是也水經清水注云脩武故甯也魏獻子田大陸還  
卒於甯大陸卽吳澤矣魏土地記曰脩武城西北二十  
里有吳澤水陂南北二十許里東西三十里左氏定元  
年傳杜預注云大陸疑卽吳澤陂近甯是酈注本杜預



以吳澤陂為大陸其地在河內修武今之獲嘉縣西北  
春秋時晉之鉅鹿高注以鉅鹿廣阿澤謂此地也呂覽淮  
南又云趙之鉅鹿任縣之間乃趙之境內故別為趙藪緣鉅  
順德府鉅鹿任縣之間乃趙之境內故別為趙藪緣鉅  
鹿亦有大陸之名故郭注本孫炎遂以此為晉藪誤矣  
水經濁漳水注又云自甯迨於鉅鹿出於東北皆為大  
陸張聰咸曰脩武距鉅鹿南北千里酈元欲聯為一地  
乃以淇口當禹貢北過絳水之文故強為牽合胡氏渭  
云淇口在黎陽西南距脩武二百餘里信如酈言則河  
之所經當先大陸而後降水斥其無定見云云是矣孫  
炎郭璞所云廣阿澤者孫觀淮南所云趙之鉅鹿矣竝  
鄭注所指禹貢之大陸呂覽淮南所云趙之鉅鹿矣竝  
違與此

**秦有楊陁**注今在扶風汧縣西疏說文云秦伯益之後

云秦津也其地沃衍有津潤也楊陁者職方冀州藪曰  
楊紆注云所在未聞雍州藪曰弦蒲注云在汧漢地理  
志右扶風汧北有蒲谷鄉弦中谷雍州弦蒲藪然則漢  
志所說與職方同鄭注甚明郭欲以職方之弦蒲當爾

紆高誘注陽紆蓋在馮翊池陽一名具圃按左氏僖卅

三年傳秦有具圃杜預不注其地如高誘說以具圃即

具圃錢氏坵說文對詮云今池陽為西安府涇陽縣地

竝無高原大澤然則高注亦非矣淮南脩務篇云禹之

為水以無夷之所都居然則河穆天子傳云至于陽紆之山

河伯無夷之所都居然則河穆天子傳云至于陽紆之山

雅之楊陁都亦無會邵氏正義說以有始覽云秦之陽

華高注陽華在鳳翔或曰在華陰西以為近之今按爾

雅釋文陁郭身花反則與華音相近似楊陁即陽華然

鳳翔之名非高所得聞錢氏所謂後人附入者不足依  
據高引或說以為在華陰西亦無的指難以取證後漢  
郡國志注於弘農郡華陰下引呂覽及高注於右扶風  
汧下引爾雅及郭注亦不以爲一地則邵氏亦失之釋  
文陁孫於于反本或作紆字非然則陽紆楊陁非一地  
明矣攷之諸書既多舛紆按之職方又相抵互竊謂爾  
雅此義當如鄭君之闕  
疑不當如郭氏之誤注

**宋有孟諸**注今在梁國睢陽縣東北疏釋名云宋送也  
地接淮泗而東



南傾以為殷後若云滓穢所在送使隨流東入海也孟諸者禹貢作孟豬史記作明都漢志作盟諸職方作望諸鄭注望諸明都也左傳作孟諸與爾雅同諸豬聲同孟望明盟古聲近也元和郡縣志云宋州虞城縣孟諸澤在縣西北十里周迴五十里俗號盟諸澤晉地理志梁國睢陽春秋時宋都漢志故宋國微子所封禹貢盟諸澤在東北是郭所本也睢陽今之歸德府商丘縣也自宋末以來屢遭河決藪澤厓岸不可復識

**楚有雲夢**注今南郡華容縣東南巴丘湖是也疏者雲夢

方云荆州其澤藪曰雲菅鄭注雲菅在華容漢志華容雲夢澤在南荆州藪司馬相如子虛賦云楚有七澤一曰雲夢雲夢者方九百里是雲夢實一藪也經傳或分言者省文從便耳左氏昭三年傳王以田江南之夢杜預注楚之雲夢跨江南北是則夢亦雲也定四年傳楚子涉睢濟江入于雲中杜注入雲夢澤中是則雲亦夢也楚辭招魂篇云與王趨夢兮課後先王逸注夢澤中也楚人名澤為夢中然則夢中猶雲中矣淮南墜形篇云南方曰大夢高誘注夢雲夢也地理志江夏郡有雲杜即禹貢之雲土土杜古字通然則雲土亦夢土矣雲

土夢作又史記夏紀及漢志並變作雲夢土皆得禹貢之意各順文從便耳漢晉華容縣今為荊州府監利石首二縣地郭云巴丘湖者太平寰宇記引宋永初山川古今記雲夢澤一名巴丘湖是也

**吳越之間有具區**注今吳縣南太湖即震澤是也疏吳

者釋名云吳虞也太伯讓位而不就歸封之於此虞其志也越夷蠻之國度越禮義無所拘也具區者禹貢云震澤底定職方云揚州其澤藪曰具區漢地理志會稽郡吳具區澤在西揚州藪古文以為震澤是具區即震澤其地在吳謂之吳越者有始覽云吳之具區墜形篇吳作越高誘注具區在吳越之間是矣郭以太湖即震澤者水經河水注引虞翻曰是湖有五道故曰五湖韋昭曰五湖今太湖也尚書謂之震澤爾雅以為具區方圓五百里郭氏本之而以太湖震澤為一非也邵氏正義雖致疑難終泥舊說以為吳越水鄉濤湖汎決川瀆難悉此亦依違郭氏之失也按避暑錄話云孔氏以太湖為震澤非是臆韻博攷瀾釋周官九州有澤藪有川有漫揚州既以具區為澤藪則震澤即具區也太湖乃五湖之總名耳



則但水之所鍾也今平望入尺震澤之間水瀾漫而極淺與太湖相接而非太湖積潦暴至無以洩之則溢而害田所以謂之震他州之澤無水暴至之患則為一名而巳而具區與三江通塞為利害故二名以別之據葉適之言則知震澤與太湖相接而為二太湖有隄漚之限震澤水極漫淺或溢而害田亦或隄而為田與太湖純水者形勢自別葉氏生於宋代所見如此今鳥程有震澤上下二鄉自林軋村至南潯鎮皆是地濱太湖與葉氏所見無異頗疑邵氏吳越之人乃不能舍太湖而別指具區何歟至於湖澤增減古今異形顏真卿石柱記稱太湖周四萬八千頃視越絕書已廣一萬二千頃矣越巖太湖調韋昭云方圓五百里今康熙閒周入百餘里矣灑熙卅駕入紉蓋積年衝刷隄岸變遷然震澤之非太湖東南人要可目驗而知也

### 齊有海隅

**注**海濱廣席

**疏**此釋營州之藪海隅者有始覽及墜形篇又云申池在海隅高

注海隅猶崖也蓋近海濱墜形篇又云申池在海隅高池在海隅藪也史記齊世家集解引左思齊都賦注曰申池是其間小地名縣絡川原佳饒竹樹故左氏襄十八

年傳焚申池之竹木文十八年傳公游于申池蓋地饒林木足可娛遊杜預不據申池在海隅之文乃依京相璠說以齊南城西門名申門左右有池疑此為是水經淄水注反是杜而駁齊都賦注之非斯皆失矣今自登萊之黃縣掖縣以北延袤千餘里閒皆海隅之地管子所謂渠展之鹽左傳所云澤之萑蒲藪之薪蒸蓋胥於是

### 燕有昭余祁

**注**今太原鄆陵縣北九澤是也

**疏**此釋幽

此又非也子虛賦言齊王畋於海濱與楚之雲夢對舉齊洋洋大風海隅之藪跨越數郡包絡千餘里何足異也子虛所稱列卒滿澤罟綱彌山驚於鹽浦平原廣澤遊獵之地皆非虛語然則郭注以海濱廣席為言斯為當矣張聰咸據胡氏渭禹貢錐指以管子渠展即爾雅海隅今以其說未備因復推廣之耳

殷之幽州兼周之并州故職方并州其澤藪曰昭余祁鄭注昭余祁在鄆漢志太原郡鄆九澤在北是為昭余



祁并州藪郭注本此鄆陵字衍也有始覽作燕之大  
昭隆形篇作燕之昭余無祁字者省文耳今其地在太  
原府祁縣東七里水經汾水注鄆澤祁藪是也然則祁  
縣因藪為名釋文祁孫本作底音之視反蓋假借字作  
正祁為

鄭有圃田注今滎陽中牟縣西圃田澤是也疏釋名云

其地多平町町然也圃田者職方豫州藪於西周時在  
東都畿內故詩東有甫草鄭箋以為圃田之草也水經  
有圃田杜預注以為圃田於鄭故左氏僖卅三年傳鄭之  
澤一名原圃中牟縣西北七里其澤東西五十里南北  
二十六里西限長城東極官渡上承鄭州管城縣界曹  
家陂又溢而北流為二十四陂按中牟  
今屬開封府漢屬河南郡晉屬滎陽郡

周有焦護注今扶風池陽縣瓠中是也疏釋名云周地

其山四周也詩六月正義引孫炎曰周岐周也焦護者  
詩作焦穫爾雅釋文獲又作護水經沮水注云沮水東  
注鄭渠渠首上承涇水於中山西邸隰祗瓠口所謂瓠  
中也爾雅以為周焦獲矣元和郡縣志云焦穫藪亦名  
瓠口即鄭白二渠也晉之扶風郡

十藪疏引說文云藪大澤也左氏襄廿五年正義

云澤無水曰藪澤虞注云藪序水希曰藪是藪

澤名同而實異故豕宰云藪牧養蕃鳥獸左氏

昭廿年傳藪之薪蒸虞侯守之然則藪者湊也

薪蒸鳥獸之所湊風俗通云藪厚也有草木魚

鼈所以厚養人也釋文其藪之名數則淮南本

於呂覽無大野焦護而以趙之鉅鹿與晉之大

陸竝稱說文本於職方其言九藪全襲彼文而

青州孟諸離州弦蒲幽州奚養冀州楊紆與爾  
雅並違豈此之藪名為從殷制而周有焦護非  
可預言疑殷有九州亦當九藪焦護一藪或後  
人所增今風俗通十藪之名雖與此同而非應  
劭舊本不足依據鄭注澤虞又云爾雅有八藪  
益復可疑賈疏曲為之說以為周秦同在雍州  
秦有楊紆周有焦護一州有二故言十爾雅除

佳乙

八



畿內一州而言故云入其說亦未可信且入  
藪之名未聞其審今亦無以言焉闕之可也

### 東陵隗南陵息慎西陵威夷中陵朱滕北陵西隄鴈門

是也注即鴈門山也疏陵者說文云大官也東陵者禹

北有東陵鄉又元和郡縣志東陵山在章丘縣南二十

八里引莊子駢拇篇云盜跖利於東陵之上是又一

東陵也但東陵雖有二處隗字遂不見所出至於息慎

朱滕亦猶是焉威夷者文選西征賦云登峻坂之威夷

李善注引韓詩曰周道威夷薛君曰威夷險也按威夷

漢志作郁夷屬右扶風雖地可言而然未必便是西陵

潘賦以威夷連峻坂為言與地志又復非異李善注所

引亦非也西隄者史記作先俞趙世家云反至分先俞

於趙集解徐廣曰爾雅西隄鴈門是也正義曰西先聲

相近蓋陞山西隄二山之地竝在代州鴈門縣皆趙地

也又謂之隄穆天子傳云乃絕隄之關陞郭注謂北陵

西隄鴈門山也北山經注鴈門山即北陵西隄鴈門之

所出因以名云郭氏二注竝與

此合鴈門山在今代州東北

陵莫大於加陵注今所在未聞疏加陵者風俗通云國

於加陵引爾雅曰陵莫大於加陵言其獨高厲也淮南

人間篇云晉厲公合諸侯於嘉陵按周語云柯陵之會

韋昭注柯陵鄭西地名也盟於柯陵在魯成十七年然

則柯陵即加陵加嘉柯古聲同也韋注柯陵在鄭西今

未聞其審

梁莫大於湏梁注湏水名梁隄也疏湏梁者湏是水名

十六年會于湏梁杜預注湏水出河內軹縣東南至溫

入河水經濟水注湏水出原城西北原山動掌谷俗謂

之為白澗水引爾雅而云梁水隄也湏水又南注於河

公羊襄十六年疏引孫炎曰梁水橋也郭云隄者釋宮

云隄謂之梁梁隄

同類故列於八陵

墳莫大於河墳注墳大防疏釋厓岸云墳大防方言云

鮑照蕪城賦稱三墳此河墳詩汝墳及淮墳三墳之中

河墳為大故獨在八陵胡氏禹貢錐指以漢河隄謂為



金隄者當之金隄在今濬縣但本是人所為恐非也錢氏姑釋地注今蒲州府榮河縣是其地漢之汾陰肱也引水經注曰長阜背汾帶河長四五里廣二里餘高十丈然則爾雅河墳必謂此矣

### 八陵

東方之美者有醫無閭之珣玕琪焉注醫無閭山名今

在遼東珣玕琪玉屬疏職方幽州其山鎮曰醫無閭山名今

知之漢光武十三年以遼東屬青州二十四年還屬幽州漢地理志遼東郡無慮應劭曰慮音閭是無慮即無

閭楚辭遠遊篇云夕始臨乎於微閭王逸注東方之玉

山也引爾雅為釋醫無閭作於微閭語聲之轉也陸形

篇作醫母閭釋文醫李本作醫並聲借字也珣玕琪者

說文云周書所謂夷玉也書顧命釋文夷玉馬云東夷

之美玉正義引鄭云夷玉東北之珣玕琪也是馬鄭許

竝依爾雅為言邵氏正義云今大凌河有錦川石美者

瑩潤如玉大者可作几醫無閭

山在今錦州府廣寧縣西十里

東南之美者有會稽之竹箭焉注會稽山名今在山陰

縣南竹箭篠也疏職方揚州其山鎮曰會稽鄭注會稽

在南今山在紹興府會稽縣南二十里矣史記夏紀云

禹會諸侯江南計功而崩因葬焉命曰會稽會稽者會

計也竹箭者釋草云篠箭禹貢篠簜既敷夏紀作竹箭

旣布說文引書曰竹箭如搢按職方注故書箭為晉晉

搢音同疑說文所引有脫誤也竹箭堅實以無節為異

隆形篇注今會稽郡出好竹箭也戴凱之竹譜云箭竹

高者不過一丈節間三尺堅勁中矢江南諸山皆有之會稽所生最精好

南方之美者有梁山之犀象焉疏犀牛皮角象牙骨疏

職方荊州其山鎮曰衡山鄭注衡山在湘南本漢志文

是形篇本爾雅作梁山高誘注梁山在會稽長沙湘南

梁山之名非也會稽山即衡山亦曰茅山又曰棟山見水

經注乃有四名衡山二名何足異也犀象者職方注齒

象齒也革犀兕革也按二物珍貴為世要用故載之禹



貢列於爾雅焉

西南之美者有華山之金石焉注黃金礪石之屬疏方

豫州其山鎮曰華山鄭注華山在華陰晉地理志弘農郡華陰華山在縣南金石者墜形篇注金美金也石含玉之石也郭云礪石之屬者礪當作礪說文礪石次玉者玉藻云士佩璫玟張揖子虛賦注礪石白者如冰半有赤色

西方之美者有霍山之多珠玉焉注霍山今在平陽永

安縣東北珠如今襍珠而精好疏職方冀州其山鎮曰

據漢志後漢改僞為永安故墜形篇注今河東永安縣也至晉又改河東為平陽故晉志平陽郡永安故霍伯國霍山在東郭注與晉志同山在今平陽府霍州東三十里也墜形篇珠玉上無多字高誘注出夜光之珠五色之玉也史記貨殖傳山西饒材竹穀纒旄玉石邵氏正義曰今山西有玉色黑美者可以鑑里人謂之玟玉

郭云珠如今襍珠而精好據目驗也然則珠玉以美好為珍非以多為異也多字蓋衍

西北之美者有崑崙虛之璆琳琅玕焉注璆琳美玉名

琅玕狀似珠也山海經曰崑崙山有琅玕樹疏崑崙古文作昆

侖史記夏紀索隱引鄭以為昆侖析支渠搜三山皆在而戎漢志金城郡臨羌有昆侖山祠敦煌郡廣至有昆侖障璆琳琅玕者禹貢離州所貢昆侖產也管子輕重甲篇云崑崙之虛不朝請以璆琳琅玕為幣乎墜形篇崑崙下無虛字高誘注璆琳琅玕皆美玉也按高注非詩韓奕釋文引鄭注尚書云璆琳美玉琳美石琅玕珠也說文亦云琅玕似珠者故禹貢正義引釋地說者皆云璆琳美玉名琅玕似珠者而似珠者玉藻正義引李巡孫炎郭璞等並云璆琳美玉是郭義同李孫皆據釋器璆琳玉也為說鄭必以璆琳美玉琳美石分為二者蓋據子虛賦琳瑯並稱上林賦碧琳與玫瑰連文知琳為美石實則玉石同類古皆通名耳郭引山海經琅玕樹者海內西經文墜形篇云崑崙虛中有增城九重琅玕樹在其東

倣真篇云鍾山之玉高注鍾山崑崙也皆與爾雅合姚



元之日和闐之西南曰密爾岱者其山絛亘不知其終  
其山產玉鑿之不竭是曰玉山山恆雪回民挾大釘巨  
繩以上鑿得玉繫以互繩縋下其玉色青今密爾岱即  
古崑崙虛矣余按此玉青色即璆琳也已詳釋器璆琳  
下玉

**北方之美者有幽都之筋角焉**注幽都山名謂多野牛

**筋角**疏蓋因山為名也海內經云北海之內有山名曰

幽都之山筋角者考工記云燕之角貨殖傳云龍門碣

石北多馬牛羊旃裘筋角墜形篇注古之幽都在鴈門

以北其畜宜牛羊馬出好筋角可以為弓弩魏都賦

云燕弧盈庫而委勁是北方筋角之利舊有名矣

**東北之美者有席山之文皮焉**注虎豹之屬皮有縠綵

者疏席山瀕海之山隋地理志東萊郡文登縣有席山

里蓋以海瀕廣席得名按山在今登州府榮城縣南一

百二十里矣文皮者墜形篇注虎豹之皮也郭注因之

管子揆度篇云發朝鮮之文皮蠟發亦輕重甲篇云發

朝鮮不朝請文皮毳服而以為幣乎然則朝鮮亦出文

皮其地與席山唯限一海皆古營州

之地因知營州蓋越海而有朝鮮矣

**中有岱岳與其五穀魚鹽生焉**注言泰山有魚鹽之饒

疏岱岳所在詳見釋山五穀魚鹽者職方兗州其山鎮

豫州并州其穀宜五種鄭注五種黍稷菽麥稻也幽州

其利魚鹽禹貢青州厥貢鹽絺海物惟鎔鄭注海物海

管子輕重甲篇云齊有渠展之鹽貨殖傳云太公望封

於營丘地湯鹵人民寡於是太公通魚鹽則人物歸之

墜形篇中作中央之美者五字五穀魚鹽之間有桑麻

二字疑據爾雅古文今脫去之然五穀魚鹽之饒非

必泰山所有爾雅言中有岱岳實概舉中土而言耳

**九府**疏注府者釋文云猶庫藏也春官序官天府

禮注府謂寶藏貨賄之處也公卿牧守道府之府也

廣韻引風俗通云府聚也公卿牧守道府之府也



聚也然則人物所聚通謂之府故一切經音義九引三蒼云府文書財物藏也茲篇所釋皆九州寶藏之屬故題曰九州

東方有比目魚焉不比不行其名謂之鰈注狀似牛脾

鱗細紫黑色一眼兩片相合乃得行今水中所在有之

江東又呼為王餘魚疏鰈者說文狝字解云讀若比目

目之魚集解韋昭曰各有一目不比不行其名曰鰈文

選吳都賦云罩兩魚並合乃能遊若單行落魄著物為人

魚也云須兩魚並合乃能遊若單行落魄著物為人

得故曰兩魚狀似牛脾細鱗紫色兩相得乃行與此注

注鮓比目魚狀似牛脾細鱗紫色兩相得乃行與此注

同爾雅釋文鰈本或作鰈同音鰈按上林賦注以鮓為比

為二則鰈作鰈者非北戶錄謂之鰈廣韻亦以鮓為比

目魚矣郭云王餘魚者吳都賦云雙則比目片則王餘

劉逵注比目魚東海所出王餘魚其身半也俗云越王

鱣魚未盡因以殘半棄水中為魚遂無其一面故曰王

餘也然則王餘比目非一魚賦及注甚明王餘今登萊

人謂之偏口魚與比目相似而有異其魚單行非兩兩

相合郭以比目即王餘誤矣初學記引臨海異物志云

比目魚似左右分魚蓋分魚即王餘也又云南越志謂

之版魚封禪書索隱引郭注王餘下有亦曰版魚四字

牛脾下有身薄二字今本俱缺脫而衍今水中所在有

照故封禪書謂出東海非水中所在皆有也

南方有比翼鳥焉不比不飛其名謂之鵽注似鳧青

赤色一目一翼相得乃飛疏鵽者而次三經崇吾之

翼一目相得乃飛名曰鵽鵽郭注比翼鳥也色青赤不

比不能飛爾雅作鵽鵽鳥也海外南經比翼鳥在其東

其為鳥青赤兩鳥比翼博物志云比翼鳥一青一赤逸

周書王會篇云巴人以比翼鳥是鳥出西南方也公羊

宣五年疏引舊說云雙雙之鳥一身二首

尾有雌雄隨便而偶常不離散即此類也

西方有比肩獸焉與邛邛岨虛比為邛邛岨虛齧甘草



卽有難邛邛距虛負而走其名謂之廢注呂氏春秋曰

北方有獸其名爲廢鼠前而免後趨則頓走則顛然則

邛邛距虛亦宐鼠後而免前前高不得取甘草故須廢

倉之今鴈門廣武縣夏屋山中有獸形如兔而大相負

共行土俗名之爲廢鼠音厥疏邛當作蛩說文云蛩蛩

有獸前足短與蛩蛩巨虛比其名謂之廢韓詩外傳廢

作廢聲借字耳釋文引李巡云邛邛距虛能走廢知美

草卽若驚難者邛邛距虛便負廢而走故曰比肩獸孫

炎云邛邛距虛狀如馬前足鹿後足免前高不得會而

善走廢前足鼠後足免善求會走則倒故齧甘草則仰

倉邛邛距虛邛邛距虛負以走是皆以邛邛距虛爲一

獸司馬相如子虛賦云楚蛩蛩麟距虛又爲二獸郭氏

注以距虛卽蛩蛩變文互言非也邛邛距虛本二獸故王會

篇云獨鹿邛邛善走也孔晁注邛邛獸似距虛負廢而

走也又云孤竹距虛孔注距虛野獸驢騾之屬穆天子

傳云邛邛距虛走百里郭注亦馬屬又引尸子曰距虛

不擇地而走則皆以爲二獸子虛賦張揖注曰蛩蛩青

獸狀如馬距虛似羸而小其說是矣郭引呂氏春秋慎

大覽不廣篇文也晉地理志鴈門郡廣武漢志太原郡

廣武賈屋山在北賈屋卽夏屋今代州東夏屋山也

羅願爾雅翼云遼北境慶州之地大漠中有廢鼠

一目一鼻一孔一臂一腳亦猶魚鳥之相合更望備驚

急疏比肩民者名婁韓詩外傳五云北方有獸名曰婁

謂之爲民郭云卽半體之人者海外西經一臂國一臂

一月三日曲水詩序注引郭注作一目

一鼻孔是也但魚鳥作魚鼠爲異

中有枳首蛇焉注岐頭蛇也或曰今江東呼兩頭蛇爲

越王約髮亦名弩弦疏枳者宋雪臆本作軹假借字也



音支云蛇有枝首者名曰率然然則孫讀為枝郭讀為岐岐枝枳音皆近廣雅云枳枝也楚辭天問篇注中央之州有岐首之蛇爭共食牧草之實自相啄噬顏氏家訓勉學篇云蟲有魄者一身兩口爭食相齧遂相殺也魄古之虺字即此枳首蛇也俗以兩頭蛇見者必舛故孫叔敖殺而埋之而劉恂嶺表錄異云嶺外極多長尺餘大如小指背有錦文腹下鮮紅人視為常不以爲異也陳藏器本草拾遺云兩頭蛇大如指一頭無口目兩頭俱能行此說非也若一頭無口目何以能爭食而相齧也孫炎以此蛇名率然亦非孫子九地篇云率然者常山之蛇擊其首則尾至非兩頭也郭云越王約髮以贊云夔稱一足蛇則二首少不知類聚九十六引郭氏無多不覺有雖資天然無異駢拇

此四方中國之異氣也

夫四方中國廣谷大川牝牡鼎鑄姦俾民不逢不若爾雅紀異令人多見多聞者也

五方

邑外謂之郊郊外謂之牧牧外爲之野野外謂之林林

外謂之垆注邑國都也假令百里之國五十里之界界

各十里也疏邑者說文云國也左氏莊廿八年傳凡邑

猶侶也邑人聚會之稱也是邑國通名此邑即國都矣

郊者說文云距國百里爲郊此據王畿千里而言設百

里之國則十里爲郊矣郊有遠近以國爲差聘禮云賓

及郊鄭注郊遠郊也周制天子畿內千里遠郊百里以

此差之遠郊也注公五十里侯四十里伯三十里子二十

里男十里也注公五十里侯四十里伯三十里子二十

是天子近郊也注公五十里侯四十里伯三十里子二十

制也詩云在浚之郊則雖都邑亦有郊矣○牧者牧放

佳九

左







可食者曰原注可種穀給食注陂者曰阪注陂陀不平下

者曰溼注公羊傳曰下平曰隰疏謂此別可耕種之野所

鄭眾云三農平地山澤也注三農原隰及平地然則

穀別有九而土別惟三即此原阪隰之各異其名也穀

土而曰可食者古謂可耕之士為食土檀弓云擇不食

之地而曰可食者鄭注不食謂不墾耕左氏昭七年傳食

引孫炎曰可食謂有井田也陸鱣作阿山田可種穀者

亦曰原也孫意蓋以上云廣平曰原原是原之本名此云

可食曰原是原之通名山田下隰凡可耕種通謂之原

欲明陂者下者皆以可食總之詩周原膺膺傳云原田

每每非必廣平之地獨擅原名矣。陂者說文云阪也

阪字解云坡者曰阪又云陂阪也是陂阪音義同故得

兩通釋文陂又作坡郭皆皆何反此音得之古讀皮為

坡也釋名云山旁曰陂言陂陁也玉篇云陂陀靡池也

然則坡之言頗也阪之言反也謂山田頗側之處可耕

種者故詩車鄰正義引李巡曰陂者謂高峯山陂正月

箋云阪田崎嶇堯堯之處淮南齊俗篇云陵阪耕田易

說卦云其於稼也為反生虞翻本反作阪云陵阪也是

阪反通。溼者當作隰字之誤也車鄰正義引李巡曰

下者謂下溼之地隰溼也說文云隰阪下溼也增一阪

字者許意蓋以下溼曰隰其訓已明又言下者曰隰明

此義對阪而言田之陂陀不平者名為阪其下而平者

即為隰不必沮洳漸溼之處始名隰也且此三句俱言

可耕之田故說苑復恩篇說祠田云下田洿邪得穀百

車蟹堞者宜禾尊賢篇云蟹堞者宜禾洿邪者百車洿

邪即隰蟹堞即阪詩車鄰亦阪隰對言毛傳用爾雅月

令孟春之月善相丘陵阪險原隰土地所宜五穀所殖

皆與此義合郭引公羊昭元年

傳下平曰隰平亦對陂而言

田一歲曰蓄注今江東呼初耕地反草為蓄二歲曰新

田注詩曰于彼新田三歲曰畬注易曰不蓄畬疏說文

陳也樹穀曰田釋名云已耕者曰田田填也五稼填滿

其中也蔡邕月令章句云穀田曰田此文皆言田之異

名故以田統之也蓄者說文云反耕田也阪陁洿引

易曰不蓄畬詩采芑正義云蓄者災也引孫炎曰蓄始

佳

七



災殺其草木也易无妄釋文引董遇云蓄反草也蓋田  
久蕪萊必須利耜熾蓄發其冒擷拔彼陳根故云反草  
詩倣載南畝箋讀倣載為熾蓄是其義也江南以首春  
墾草為翻田江北以初冬耕田為畝草皆與蓄義合釋  
文蓄孫音災○新田者耕之二歲疆墟剛土漸成柔壤  
采芑正義引孫炎曰新田新成柔田也毛傳用爾雅○  
畚者田和柔也孫炎曰畚和也田舒緩也蓋治田三歲  
則陳根悉拔土脈膏肥畚之言舒易釋文引董遇云悉  
耨曰畚是也馬鄭俱本爾雅詩臣工傳同唯禮坊記注  
二歲曰畚三歲曰新田易釋文引說文亦云畚二歲治  
田也竝與爾雅毛  
傳不合蓋異說也

**野**

**疏**

野對邑言如左傳云謀於野則獲謀於邑

邦之野是國門以外通謂之野若別而言之郊  
牧林坳皆野之異名原隰陸阜陵阿蓄畚新田  
皆野之細目故  
總題曰野也

東至於泰遠西至於邠國南至於濮鉛北至於祝栗謂

之四極

**注**

皆四方極遠之國

**疏**

釋詁云極至也四方所

大戴禮千藥篇四辟之民皆云至于大遠此之泰遠則  
東極地名也邠者釋文云本或作幽說文作汎云西極  
之水也引爾雅曰至于幽國為西極濮鉛者廣韻濮字注云  
穎引爾雅曰至于幽國為西極濮鉛者廣韻濮字注云  
濮鉛南極之夷尾長數寸巢居山林出山海經綴黔逸  
周書王會篇伊尹四方令曰正南百濮蓋濮鉛亦可單  
言濮也祝栗者邵氏正義以祝栗即涿鹿  
之轉聲史記黃帝紀邑於涿鹿之阿也

觚竹北戶西王母日下謂之四荒

**注**

觚竹在北北戶在

南西王母在西日下在東皆四方昏荒之國次四極者

**疏**

荒者書禹貢荒服正義引馬融注荒政教荒忽因其

政教所不加故次於四極也觚竹即孤竹齊語云北伐  
山戎荆令支斬孤竹漢地理志遼西郡令支有孤竹城  
按其地在今永平府也北戶者史記舜紀云南撫交阯  
北發索隱以北發當云北戶南方有地名北戶淮南墜



形篇作反戶高誘注在日之南皆為北鄉戶故反其戶也漢志日南郡屬交州吳都賦云開北戶以向日按北戶亦地名特言郡在極南實則日南非真在日之南北戶亦非向北看日也西王母亦國名也竹書帝舜九年西王母來朝大戴禮少閒篇云西王母來獻其白瑄淮南墜形篇云西王母在流沙之瀕漢志金城郡臨羌西支有弱水西王母亦未嘗見也又云條支臨西海是西王母乃西海遠荒之國從未有入至其地者也日下者鄭樵以為即今日日本國也邵氏正義以為嵎夷但嵎夷雖在東表然是賓日之地而無日下之名

**九夷八狄七戎六蠻謂之四海**注九夷在東八狄在北

**七戎在西六蠻在南次四荒者**疏四海者御覽卅六引

可教誨故曰四海曲禮正義引李巡注四海遠於四荒餘同舍人詩蓼蕭正義引孫炎曰海之言晦晦闇於禮義也初學記謂之四海下言皆近於海也似引爾雅舊注之文與諸家義異也夷狄戎蠻者蓼蕭箋云九夷八

狄七戎六蠻謂之四海與爾雅合正義曰職方氏及布憲注亦引爾雅云九夷八蠻六戎五狄謂之四海數旣不同而俱云爾雅則爾雅本有兩文今李巡所注謂之四海之下更三句云八蠻在南方六戎在西方五狄在北方此三句唯李巡有之孫炎郭璞諸本皆無也李巡與鄭同時鄭讀爾雅蓋與巡同又引鄭志答趙商云戎狄之數或五或六兩文異云云鄭疑兩文必有一誤故不敢定之耳據孔此義則知鄭於箋注所引互異蓋疑未敢定也但爾雅及職方明堂位其數俱不合邵氏正義以爾雅釋地多述殷制此言四海亦當指殷之肇域而言盧辯大戴禮用兵篇注又以此為夏之所服而云殷之夷國東方十南方六西方九北方十有三此言復不知出何書也賈公彥職方疏以為夏制與盧辯同今按夏制殷制皆無可攷此等皆臆度耳王制正義引李巡注八蠻六戎五狄竝指其名今不錄

**岨齊州以南戴日為丹穴**注岨去也齊中也北戴斗極

**為空桐**注戴值東至日所出為大平西至日所入為大



蒙注即蒙汜也疏四海漢書會貨志注距書子決九川距

去也去至義相成也齊中也者本釋言文列子湯問篇

以南不知距齊州幾千萬里御覽卅六引舍人云自中州

南汜論篇注丹穴南方當日下之地戴訓值者考工記

弓人鄭眾注牛戴牛角直一牛也直與值古字通禮投

壺云馬各直其算史記項羽紀云直夜潰圍此皆以直

為值當也斗極者北斗中也在隴右正義引括地志筭頭山

記黃帝紀集解韋昭曰在隴右正義引括地志筭頭山

一名崆峒山然此自西方山非爾雅所指也錢氏釋地

注以今順天府薊州東北空桐山當之恐亦未然莊子

在宥篇釋文引司馬云空同當北斗下山也一曰在梁

國虞城東三十里今亦疑未敢定也大平者大荒東經

云東海之外大荒之中有山名曰大言日月所出蓋此

即大平也大蒙者楚辭天問篇云出自湯谷次于蒙汜

淮南覽冥篇云遭回蒙汜之

渚高注蒙汜日所入之地

大平之人仁丹穴之人智大蒙之人信空桐之人武注

地氣使之然也疏王制云五方之民皆有性也不可推

汜論篇云丹穴大蒙反踵空同大夏北戶奇肱修股之

民是非各異習俗相反墜形篇注東方木德仁故有君

子之國此即大平之人仁也推是而言南方火德明故

其人智西方金德實故其人信北方水德怒故其人武

中國土德和平故其人五性具備也

四極疏題上事也上文復有四荒四海不言者

至于四海曰天子達于四荒四極之不一異也竝與此

篇云以是知四海四荒四極之不一異也竝與此

義合



爾雅郭注義疏卷十

釋地終

棲霞郝懿行學

釋丘第十

疏

說文云北土之高也非人所為也从北  
 从一一地也人居在北南故从北中邦  
 之居在崑崙東南一曰四方高中央下為北象形古  
 文从土作塋風俗通云尚書民乃降丘度土堯遭洪  
 水萬民皆山棲巢居以避其害禹決江疏河民乃下  
 丘營度爽塏之場而邑落之故丘之字二人立一上  
 一者地也四方高中央下象形也大司徒注土高曰  
 丘易象上傳虞翻注半山稱丘廣雅又云小陵曰北  
 是丘之名無定經典丘陵連言凡土之高者舉可稱  
 丘也茲篇所釋俱因形以定名宛丘以下始兼地望  
 而以厓  
 岸附焉

丘一成爲敦丘

注

成猶重也周禮曰爲壇三成今江東

呼地高堆者爲敦再成爲陶丘注今濟陰定陶城中有



陶丘再成銳上為融丘注鐵頂者三成為崐崙丘注崐

崙山三重故以為名疏觀禮注成猶重也司儀云為壇

敦訓為厚厚重義近故一重之丘因以為名下文如覆

敦者敦丘彼舉其形此言其義其實一耳敦與頓通故

詩岷傳作頓丘正義引孫炎曰形如覆敦敦器似孟下

文注曰丘一成之形象也是敦頓字異音義同釋名云

丘一成曰頓丘一頓而成無上下大小之殺也蓋望文

生訓耳漢志頓丘屬東郡今為大名府清豐縣○陶者

說文云再成丘也引書東至于陶丘禹貢正義引李巡

曰再成其形再重也按陶从匋匋是瓦器丘形重累似

之故後漢書明帝紀注引孫炎云形如累兩孟也釋名

亦云陶丘於高山上一重作之如陶竈然也是皆以匋

為義但丘非人所為釋名假言作之其實自然生成也

漢志濟陰郡定陶禹貢陶丘在西南陶丘亭今在曹州

府定陶縣南七里水經濟濟水注引墨子以為釜丘蓋丘

象陶竈亦兼得釜名矣○銳者釋山銳而高注言鐵峻

是也融丘者釋名云銳上曰融丘融明也明陽也凡上

銳皆高而近陽者也按融炊氣上出也宜兼高長二義

長與高即銳上之意○崐崙者水經河水注引崐崙說

云崐崙之山三級下曰樊桐一名板桐二曰玄圃一名

閭風上曰層城一名天庭邢疏引崐崙山記云崐崙山

一名崐丘三重高萬一千里是崐崙亦名崐丘又名崐

崙崕西山經云崐崙之丘實惟帝之下都是也但爾雅

特俗崐崙以定三重丘名非指崐崙山也故釋名云三

成曰崐崙丘如崐崙之

高而積重也其說是矣

如藥者藥丘注形如車藥也或云藥謂稻田塍埒如階

者階丘注水中小洲為階疏釋名云如藥曰藥丘四馬

在前似駕馬車之形也釋文引李郭皆云形如車藥郭

又以藥謂稻田塍埒者說文云塍稻田畦也郭蓋俗塍

為藥當從前說春秋莊十年公敗宋師于藥丘杜預注

謂魯地漢志屬泰山郡括地志云藥丘在瑕丘縣西北

三十里按瑕丘今屬兗州府也又漢志濟陰郡藥氏應

劭以為即春秋藥丘非也濟陰之藥氏與泰山之藥丘

非一地應氏誤合之耳○如階之階說文作渚云如渚

者階丘水中高者也釋名云如階者階丘形似水中之

階

階

階

階



高地隆高而廣也文選注引聲類云階或作渚是渚階通郭云小洲為階本釋水文

**水潦所止泥丘**注頂上污下者疏泥者廣韻引作坭說

从泥省聲繫傳以為頂當高今反下故曰反頂按反頂即汚頂史記孔子世家說夫子圩頂索隱曰圩頂言頂上窳是也正義引輿地志闕里有尼丘山今在兗州鄒城闕里然則夫子之字曰仲尼蓋本此釋名云水潦所止曰泥丘其上污水留不去成泥也此亦望文生義

**方丘胡丘**注形四方疏釋名云園丘方丘就其方園名

鄭注瑕之言胡也是瑕丘即胡丘胡瑕古音相近邵氏正義以淮南墜形篇和丘當之和胡聲轉也

**絕高為之京**注人力所作非人為之丘注地自然也疏

此以京丘對言故說文云京人所為絕高丘也又云丘之高也非人所為也左氏襄廿五年傳辨京陵呂覽禁塞篇云為京丘若山陵高誘注合土築之以為京觀故謂之京丘淮南覽冥篇云築重京是皆人力所為故曰

絕高為之詩正義引孫郭竝云人力所作是也丘則地性自然而高不假人為此篇釋丘所載諸丘是也然京丘古亦通名故詩序云文公徙居楚丘而詩乃言景山與京毛傳京高丘也皇矣傳京大阜也是京與丘通名故呂覽以京丘為言詩正義引李巡亦曰丘高大者為京也是皆京丘通稱之證

**水潦所還埒丘**注謂丘邊有界埒水繞環之疏埒者玉

南道有形埒說文云埒庫垣也邢疏埒小隄也壘土為之然則埒有人為者亦有自然者淮南本經篇云聚埒畝方言注有界埒似耕壠是耕壠界限亦謂之埒水潦所還者還猶環也言此丘中有界埒外則水潦所環形似稻田塍埒因名埒丘矣

**上正章丘**注頂平疏章之言正也謂丘形平正唐書地理志齊州濟南郡章丘元和郡縣

志章丘縣本漢陽丘隋改章丘取縣南章丘山為名

**澤中有丘都丘**注在池澤中疏都之言澹也禹貢被孟諸史記作被明都風俗



通云水澤所聚諸之都亦曰瀕省作豬檀弓注豬都也  
南方謂都為豬釋名云澤中有丘曰都丘言蟲鳥往所  
都聚也韓詩外傳云禽獸厭淡山而下於都澤

**當途梧丘**注途道疏梧者讀如寤假借字也釋詁云選  
逢也說文云梧逆也竝與此合故

釋名云當途曰梧丘梧忤也與人相當忤也晏子  
春秋襍下篇云景公畋於梧丘蓋本此以為名

**途出其右而還之畫丘**注言為道所規畫途出其前戴

**丘**注道出丘南途出其後昌丘注道出丘北疏釋名云

右曰畫丘人尚右凡有指畫皆用右也道出其前曰載

丘在前故載也道出其後曰昌丘此句無釋蓋有缺脫

載戴古字通用而還之三字不見蓋文省耳戴即戴日

戴斗極之戴戴值也謂途與丘相值昌當也見釋詁謂

途與丘相當是昌戴其義同也

**水出其前消丘水出其後沮丘水出其右正丘水出其**

**左營丘**注今齊之營丘淄水過其南及東疏說文云水

之消丘釋名作陟丘云水出其前曰陟丘陟基陟也言

所出然沮丘作阻丘云水出其後曰阻丘背水以為險

也正丘作沘丘云水出其右曰沘丘沘止也西方義氣

有所制止也竝與今本異○營丘者詩正義以為水所

營繞故曰營丘引孫炎曰今齊之營丘淄水過其南及

東是也與郭注同水經淄水注引爾雅曰水出其前左

為營丘史記集解及檀弓正義引亦同然則云淄水過  
其南者南即前也云及東者東即左也據鄭裴所引及  
孫郭注可知左上當有前字故王氏念孫曰作前左者  
是也元和郡縣志引爾雅亦有前字又申釋之云今臨  
淄城中有丘淄水出其前經其左故曰營丘也參攷諸  
家之義自以本有前左為長但釋名及詩正義仍引作  
水出其左曰營丘竝無前字蓋據今本刪去之也漢志  
臨淄屬齊郡營陵屬北海郡應劭以營陵即營丘誤矣  
謂之緣陵

**如覆敦者敦丘**注敦孟也疏即上敦丘此又申釋其狀  
故孫炎云丘一成之形象



也明二者是一敦讀為堆郭注上文江東呼地高堆為敦孫云形如覆敦敦器似孟蓋孟體圓上下相連敦形似之鄭注周禮禮記竝以為黍稷器寰宇記敦丘在觀城縣南二十里

**邇迤沙丘** [注] 邇行連延 [疏] 說文云邇行邇邇也迤衰行紂所作沙丘臺在東北七十里史記殷紀益廣沙丘苑

臺正義於秦紀沙丘臺趙世家沙丘宮竝引括地志云在邢州平鄉東北三十里徐廣以為趙沙丘在鉅鹿則是皆一地也但沙丘所在多有其形皆邇迤連延不獨鉅鹿為然也廣韻云崱嶽沙丘狀

崱音邇是崱嶽即邇迤之異文

**左高咸丘右高臨丘前高旄丘** [注] 詩云旄丘之葛兮後

**高陵丘偏高阿丘** [注] 詩云陟彼阿丘 [疏] 左高而右卑者

七年焚咸丘杜預注魯地高平國鉅野縣有咸亭公羊以為邾婁之邑也右高而左卑者名臨丘地道尊右於易地澤為臨此丘義亦同也○旄丘者詩傳云前高後下曰旄丘釋文引字林作旄丘也○旄丘也○周反又音毛

又凶付反爾雅釋文引字林作旄又作旄俱凶付反玉篇云旄丘也或作旄前高後平丘名顏氏家訓書證篇

云柏人城東北有一孤山世俗或呼為宣務山余讀碑銘知此嶠嵒山也嵒字依諸字書即旄丘之旄也是呂

忱顧野王顏之推竝以旄丘為旄丘文選答賓戲注應劭引爾雅正作前高旄丘又內則注牟讀曰旄即此旄

字鄭應同時蓋必所見爾雅本旄丘作旄丘故一讀一引字俱作旄可知今本作旄假俗字耳釋名作髦因云

前高曰髦丘如馬舉頭眾髦也始望文生訓矣寰宇記云旄丘在澶州臨河縣東今在大名府開州也○丘之

後高而前卑者名陵丘此陵蓋委之假俗說文云委越也一日委倅也玉篇云委古陵字然則委倅即陵遲古

字通用陵丘謂後邊高前稍陵遲低平與下文陵丘異也丘之一隅偏高而不正當左右前後者曰阿丘詩載

馳傳用爾雅正義引李巡曰謂丘邊高釋名云偏高曰阿丘阿何也如人儋何物一邊偏高也

**宛中宛丘** [注] 宛謂中央隆高 [疏] 曰宛丘者釋名云中央下器也詩宛丘傳四方高中央下曰宛丘正義引李巡孫炎皆云中央下郭獨以為中央隆峻與諸家異故正義



駁之云爾雅上文備說丘形有左高右高前高後高若此宛丘中央隆峻言中央高矣何以變言宛中此駁是也今按釋山有宛中隆郭蓋本此為說詳見下篇

**丘背有丘為負丘** [注] 此解宛丘中央隆峻狀如負一丘

於背上 [疏] 丘背有丘者背猶北也言丘之北復有一丘

通俗陪訓貳也重也皆與丘背有丘義合此自別為一

亦非中央隆高之義

**左澤定丘右陵泰丘** [注] 宋有太丘社 [見史記] [疏] 定丘

志齊郡有鉅定又為澤名蓋本古縣依澤以為名也疑此為近之但陵谷變遷丘形亦不可復識矣其地在今

青州府樂安縣也泰丘者史記封禪書集解引爾雅作右陵太丘索隱引郭注云宋有太丘社以社名此地也

所引與今本異太丘社 [見六國表在顯王三十一年]

**如畝畝丘** [注] 丘有壘界如田畝如陵陵丘 [注] 陵大阜也

[疏] 畝丘者詩巷伯正義引李巡曰謂丘如田畝曰畝丘也孫炎曰方百步也釋名云畝丘丘體滿一畝之地

也與孫義同郭注本李巡丘之如陵者名陵丘陵大阜也體隆而勢平與後高之陵丘名同義異

**丘上有丘為宛丘** [注] 嫌人不了故重曉之 [疏] 丘上有丘

即上宛丘但其中間窳處復起一小部婁是謂丘上有丘從其本名仍曰宛丘臧氏經義襍記廿八云謂有上

下兩丘上一丘中央宛下亦非言中央高也又云宛施博士於阮反讀為宛郭於粉反讀為苑與毛傳李孫皆

乖異矣今按宛郭音蘊謂蘊聚隆高也說見釋文蓋出郭氏音義

**陳有宛丘** [注] 今在陳郡陳縣晉有潛丘 [注] 今在太原晉

**陽縣淮南有州黎丘** [注] 今在壽春縣 [疏] 陳有宛丘者韓

人觴於韞丘之上韞丘當即宛丘聲近假借字也詩譜云陳都於宛丘之側水經渠水注云宛丘在陳城南道



東王隱云漸欲平今不知所在矣按此則王隱尚及見之酈氏已不知所所在而元和郡縣志云在宛丘縣南三里寰宇記又云高二丈殊未可信陳郡陳縣今為陳州府淮寧縣○潛丘者元和志及寰宇記俱云在太原縣南三里隋開皇二年於其上置大興國觀按舊圖經宋修惠明寺陶土作瓦是丘遂湮然則亦僅存其名矣晉陽縣今為太原縣○州黎丘者劉氏台拱經傳小記云鹽鐵論論儒孔子能方不能圓故飢于黎丘哀公二年蔡遷於州黎之丘也今按古讀來如黎是州黎即州來丘蓋即州黎之丘也今按古讀來如黎是州黎即州來劉說是矣呂氏春秋梁北有黎丘非此

晉志淮南郡壽春縣今為鳳陽府壽州

天下有名丘五其三在河南其二在河北注說者多以

州黎宛營為河南潛敦為河北者案此方稱天下之名

丘恐此諸丘碌碌未足用當之始自別更有魁梧桀大

者五但未詳其名號今者所在耳疏郭引說者以州黎宛營為河南潛敦

為河北蓋本爾雅舊注之文

### 丘

望厓洒而高岸注厓水邊洒謂澗也視厓峻而水澗者

曰岸疏此釋厓岸之名也說文云岸水厓而高者又云厓山邊也巖岸也是山邊亦名厓此則指水邊

而言也洒者詩新臺傳洒高峻也郭謂澗也高則必澗義雖相成但洒峻雙聲訓澗未聞

夷上洒下不潛注厓上平坦而下水澗者為潛不發聲

疏說文潛水厓也詩葛藟傳潛水澗也伐檀傳潛厓也正義引李巡曰夷上平上洒下隋下故名潛孫炎曰

平上隋下故名曰潛不者蓋衍字李孫訓洒為隋義本毛傳孫以不為衍字郭不從者以釋魚云左倪不類右

倪不若不皆發聲

隩隈注今江東呼為浦隩淮南子曰漁者不爭隈疏隩



同說文竝云隈厓也隈水曲隩也許讀厓文上屬與李郭異郭讀與李巡同也隩俗作奧詩淇奧傳奧隈也正義引孫炎曰隈水曲中也郭云今江東人呼浦為隈是也郭又引淮南覽冥篇云漁者不爭隈高誘注隈曲深處魚所聚也是隈有深曲之義隩猶奧也亦深隱之義也詩正義引陸機以淇澳為二水名劉昭郡國志注引博物志奧水流入淇水水經注引肥泉謂之澳水竝與爾雅不合今無取焉

**厓內為隩外為隈**注別厓表裏之名疏此有二文隈作

即周禮職方注引作汭坻之即爾雅釋水汭也九反坻是汭坻即蒨鞠古字通俗韻作隈玉篇作汎漢志右扶風汧下誤作蒨隈顏師古曰隈讀與鞠同詩蒨鞠韓詩作蒨隈然則隈蓋隈字形譌韓作隈毛作鞠蒨亦汧字假借故詩公劉箋蒨之言內也水之內曰隩水之外曰鞠毛詩蒨隈隈者以上方云隩隈下即云隈內為隩外為隈文義相矣

**畢堂牆**注今終南山道名畢其邊若堂之牆疏畢堂者

有堂毛傳堂畢道平如堂也鄭箋畢也堂也亦高大之山所宐有也畢終南山之道名邊如堂之牆然正義引李巡曰堂牆名崖似堂牆曰畢是李以堂即為牆名與毛鄭異李說為長逸周書作雜篇云隄唐山唐即堂也古字通俗此蓋李說所本韓子所謂行馬

**重厓岸**注兩厓累者為岸岸上泔注岸上地疏重厓者

非必累兩厓也此即上文望厓洒而高岸之義蓋厓已高其岸尤高故云重厓錢坵據說文岸高也重厓岸



應作此字洪頤煊據說文岸上見也岸上見岸即是  
重厓說皆可通姑兩存之澣者說文作汧云汧水厓也  
據釋水云澣水厓此云岸上澣是厓岸通名故二文互  
見澣猶許也許與所通所謂處所故郭以為岸上地矣  
**墳大防****[注]**謂隄**[疏]**墳當作坊說文坊大防也墳墓也方  
於大防也是墳坊通詩汝墳傳用爾雅正義引李巡曰  
墳謂厓岸狀如墳墓名大防也常武鋪敦淮濱傳云濱  
厓也箋云屯其兵於淮水大防之上是濱墳又通稻人  
云以防止水月令云修利隄防左氏襄廿五年傳町原  
防正義引孫炎曰  
謂隄也郭注同

**涘為厓****[注]**謂水邊**[疏]**說文涘水厓也引周書曰王出涘  
李巡曰涘一名厓謂水邊也字解郭注按涘之言廁  
也史記張釋之傳文帝居霸陵北臨廁廁為岸邊近水  
之名與涘義  
近聲亦相轉

**窮瀆汜****[注]**水無所通者谷者激**[注]**通於谷**[疏]**說文汜窮  
瀆字瀆通溝也瀆溝也是瀆當作瀆瀆訓通溝其窮竭  
無所通者名汜汜之言澣也窮盡意也谷者說文云泉  
出通川曰谷水經澣水注引爾雅曰谷者微郭景純曰  
微水邊通谷也據注谷上當脫通字微激同疑作微是  
也釋文激  
本又作澣

### 厓岸



釋丘終

爾雅郭注義疏卷十一

棲霞郝懿行學

釋山第十一

疏

釋名云山產也產生物也說文云山宣也宣氣散生萬物也有石而高象

形大宰注云積石曰山周語云山土之聚也是山包土石為名文選琴賦注引春秋運斗樞云山者地之基然則地之高者為山由地凝結而成故次於釋地首言五山舉其大而名者以下俱釋山之形體篇終以五嶽及繫地望者附焉

河南華

注

華陰山河西嶽

注

吳嶽河東岱

注

岱宗泰山

河北恆

注

北嶽恆山江南衡

注

衡山南嶽

疏

此釋五山之名職方

氏山鎮有九此特舉五者以槩之其四因河為界其一以江為界也華者假借字也說文作嶽者職方注以為吳嶽中庸云載華嶽即此嶽也禹貢名岷漢志右扶風汧吳山在西古文以為汧山水經渭水注以吳山即



慈錄案五山之名別錄表見  
周禮大司樂曰四鎮五嶽蓋九  
州之三鎮九其五相承稱嶽其  
四但稱鎮安得又別之曰五山  
郭氏疑此篇未大少為東嶽云  
乃後儒附益之語非周世舊有  
其說似未可非

國語所謂虞蓋虞吳聲近字通也史記封禪書以吳嶽  
為二山漢書郊祀志注吳山在今隴州吳山縣嶽山未  
詳所在徐廣云岳山在武功地理志亦無之故注爾雅  
者多依職方注以為一山御覽四十四引孫炎云雍州  
鎮有吳嶽山也郭義同孫其餘四山所在具詳下文書  
舜典及左昭四年正義引李巡曰華西嶽華山也岱東  
嶽泰山也恆北嶽恆山也衡南嶽衡山也蓋此四山即  
四嶽故李云爾其吳嶽不在此列故李亦不數之乃鄭  
注大宗伯之五嶽既以嵩高為說其大司樂注又以吳  
嶽為言二文不同詩崧高正義引鄭志禘問有云周都  
豐鎬故以吳岳為西岳不數崧高此說非是故正義駁  
之云若必據己所都以定五岳則五岳之名無代不改  
此駁是也而猶未盡何以明之蓋鄭見爾雅前後異文  
故於宗伯司樂二注兩存其說實則爾雅首列五山不  
言五嶽其五嶽定名乃在下文鄭以五山即五嶽故於  
禘問創為異說邵氏正義欲據此為定論則非矣今詳  
爾雅此文但舉山名不加嶽號蓋表五山以為鎮非奠  
五嶽而稱尊也古者封山濬川翁河喬嶽作鎮一方所  
以安地德崇望秩而重觀瞻也唐虞封十二山則十二  
鎮職方辨九州則九鎮爾雅定五方則五鎮河南華者

豫州鎮也河西嶽者雍州鎮也河東岱者兗州鎮包青  
州故不數沂山也河北恆者荊州鎮包冀州幽州故不  
數霍山醫無閭也江南衡者荊州鎮包揚州故不數會  
稽也爾雅之惰與職方同必舉江河為界者北方以河  
為大南方以江為殷特表五山之名以繫九州之巨鎮  
也至泰山為東嶽以下方標五嶽以繫地望故郭此注  
不言五嶽於河而嶽但云吳嶽不加西嶽之名得其解  
矣若依鄭志及周禮注則是周家當有兩五嶽矣恐不  
然也

山三襲陟注襲亦重再成英注兩山相重一成坏注書

曰至于大坏疏襲本重衣之名故郭云襲亦重陟者列

注以為山之重襲○成猶重也巳見釋丘書禹貢正義

引李巡曰山再重曰英○坏者當作坏說文云丘再成

也再蓋一字之誤水經河水注引許慎呂忱竝以為上

一成可證禹貢正義引鄭注云大坏在修武武德之界  
張揖云成皋縣山也又引漢書音義臣瓚以為修武武  
德無此山成皋縣山又不一成今黎陽縣山臨河豈不



是大岨乎瓚言當然越泚嶷觀漢書據孔此說可知水經注於成皋大伾山引爾雅亦非矣元和郡縣志大伾山在黎陽縣正南去縣七里即黎山也隋地理志亦言黎陽有大伾山竝依瓚說山在今衛輝府濬縣東南二里周語云櫛次於丕山韋昭注大邳山在河東是邳丕同史記夏紀正義引作邳禹貢釋文伾本或作岨字或作岨按惟作坏為正餘皆假借

**山大而高崧**注今中嶽嵩高山蓋依此名疏釋文崧又云山大而高曰嵩崧竦也亦高稱也嵩與崇古字通故崇山即嵩山見周語注然嵩崇竝見釋詁或說古無嵩字非也詩崧高傳以崧為高貌正義引李巡曰高大曰崧是皆不以為中嶽之名應劭以崧高為中嶽誤

**山小而高岑**注言岑崧銳而高嶠注言鐵峻卑而大扈也注扈廣也小而眾歸注小山叢羅疏岑者說文云山小也注嶠然也趙岐孟子注岑樓山之銳嶺者是岑樓即山義本爾雅郭注方言岑崧峻貌公羊僖卅三年傳穀

之嶽巖即崧巖也穀梁作巖嶽聲借字也岑崧疊韻崧巖雙聲○釋名云山銳而高曰嶠形似橋也釋文引字林作嶠云山銳而長也通作喬詩及河喬嶽淮南泰族篇引喬作嶠又通作橋史記本紀黃帝葇橋山正義引爾雅嶠作橋○扈者說文云鄆有扈谷古文作岨从山弓玉篇作岨云山廣貌王照圓曰檀弓記孔子誨南宮韜之妻鬢曰爾母從從爾爾母扈扈爾從從猶崇崇也謂其太高即山大而高曰崧矣扈猶候候也謂其太廣即山卑而大曰扈矣○歸者釋文引字林云丘追反小山而眾也按釋文歸然高峻貌文選靈光殿賦云歸

釋文歸字或作魏竝與爾雅義異

**小山岾大山岨**注岾謂高過疏岨者釋文引埤蒼云垣岾與及義近說文云馭馬行相及也讀若爾雅小山馭

大山岨此言馭讀若岾則非爾雅本作馭矣疑馭字誤

**屬者嶧**注言駱驛相連屬獨者蜀注蜀亦孤獨疏嶧者

之假借詩保有鼻釋是也後漢郡國志注引郭云釋山純石積構連屬蓋郭音義之文御覽四十二引舊注云



言絡繹相連今魯國鄒縣有嶧山純石相積構連屬而成山蓋謂此也按此郭義所本初學記引亦同蜀者方言云一蜀也南楚謂之蜀郭注蜀猶獨耳按蜀本桑蟲其性孤特故詩言娟娟者蜀以興喻敦彼獨宿是蜀有獨意

**上正章**注山上平宛中隆注山中央高疏釋上云上正

丘此又以為山名也文選詩注兩引一作山正郭一作山正曰障障與郭同皆假借字山與上字形之誤也宛中隆者謂中央下而四邊高因其高處名之為隆此與釋丘之宛中義同而名異者彼據中言故曰宛此據外言故曰隆矣郭以中央高為義誤與釋丘同

**山脊岡**注謂山長脊未及上翠微注近上旁陂疏說文

山脊也釋名云山脊曰岡岡亢也在上之言也詩卷耳及公劉傳用爾雅正義引孫炎曰長山之脊也必言長者脊脊骨長○翠微者初學記引舊注云一說山氣青縹色曰翠微劉逵蜀都賦注翠微山氣之輕縹也義本爾雅蓋未及山頂孱顏之間蔥鬱蓋望之

瑤瑤青翠氣如微也舊注似較郭義為長

**山頂冢**注山巔峯者厓巖注謂山峰頭巉巖疏詩言山

毛傳山頂曰冢正義引孫炎曰謂山巔也巔頂本釋言文○說文云峯危高也厓巖山巔也通作崔嵬鄭箋十月之交云峯者崔嵬漸漸之石云卒者崔嵬謂山巔之末也俱本爾雅卒峯字通崔嵬厓巖字異義同正義引孫炎云厓子規反厓語規反是皆疊韻之字爾雅釋文本或作厓厓又作峩峩亦音轉字通也郭注謂山峰頭巉巖邢疏及監本脫山字詩正義引及宋本竝有之今據補

**山如堂者密**注形如堂室者尸子曰松柏之鼠不知堂

密之有美樅**如防者盛**注防隄疏說文云密山如堂者

高漢志河南郡密元和志引爾雅此文以為縣因山為名也按今密縣三面皆山唯東面缺形似室堂郭引尸子邢疏以為綽子篇文○盛者釋文謂山形如黍稷之在器此緣文生訓也盛與成同封禪書云成山斗入海



郊祀志作盛山在今登州府樂城縣海濱半入海其山漫長橫互數里望之如隄防矣檀弓注防形旁殺平上而長可想見是山形狀也

**巒山墮**注謂山形長狹者荊州謂之巒詩曰墮山喬嶽

**疏**墮者墮之假借說文云巒山小而銳墮山之墮墮者本詩般傳墮山之墮墮小者而為說也但詩言墮

不言巒說文巒不名墮所未能詳劉逵蜀都賦注巒山長而狹也一日小而銳也是巒墮俱兼二義釋文引埤

蒼云巒山小而銳字林云墮山之施墮者是呂忱以墮為延施即狹長也士冠禮注墮方曰篋釋文墮謂狹而

長墮與墮同與墮聲俗竝郭所本也云荊州謂之巒者楚辭七諫云登巒山而遠望兮此正楚人語也

**重巖**注謂山形如累兩巖巖也山形狀似之因以

**名云**疏說文云巖崖也巖者釋畜云善升巖疑巖皆巖之假借玉篇引作重巖巖文選晚出射堂詩注

引亦作巖詩葛藟釋文引李巡云巖阪也正義引孫炎曰巖山基有重岸也以此推之巖亦崖岸高大之名故

釋畜釋文引舍人一云巖者阪也顧云山嶺曰巖皆與巖訓崖岸義合詩公劉亦作巖是皆古本作巖之證孫

郭本作巖因而望文生訓始有巖巖之說與巖義遠恐非也

**左右有岸**屈注夾山有岸疏屈廣韻作岸龕手鑑二以屈

為屈之或體字

**大山宮小山**霍注宮謂圍繞之禮記曰君為廬宮之是

**也小山別大山**鮮注不相連疏郭注中山經云今平陽

羅江縣河南鞏縣皆有霍山引此文云大山繞小山為霍是郭以宮為繞明山以霍名者非一皆本此為義也

今濰縣之天柱山中峰小而四圍有大山以繞之與此合矣宮有容受包含之義故訓圍繞郭引喪大記文鄭

注宮謂圍障之也。鮮者釋文引李巡云大山少故曰鮮詩皇矣正義引孫炎曰別不相連也金鶚云鮮斯聲

近而通鮮亦斯字之俗釋言云斯離也別與離義同阮芸臺師說亦云爾余按文選吳都賦及長笛賦注竝引



爾雅小山別大山嶰玉篇云嶰山不相連也宋翔鳳說以律曆志嶰谷注云一說昆侖之北谷名此正是小山別大山之嶰也張聰咸說觀經缺古本鮮當作解後人加山孫炎注不相連此正釋解字之義李巡不寤而曰大山少此何言與今按皇矣詩傳小山別大山曰鮮公劉傳嶰小山別於大山也是毛意以鮮嶰為一周禮獻羔開冰韶曠月令作鮮羔開冰即其例也孔穎達以鮮嶰義別為疑蓋失之矣此義又見臧氏琳經義襍記四山絕陁注連山中斷絕疏說文陁山絕坎也史記趙世家云與之陁集解徐廣曰陁者山絕之名常山有井陘中山有苦陁元和郡縣志懷州河內縣太行陁在西北三十里連山中斷曰陁引述征記曰太行山首始于河內北至幽州凡有入陁是山凡中斷皆曰陁通作陁說文云陁谷也法言吾子篇云山陁之蹊吳祕注山中絕也

**多小石礫**注多礫礫多大石礫注多礫石疏礫礫當作

礫山多小石也礫山多大石也釋名云礫堯也每石堯堯獨處而出見也礫學也大石之形學學然也釋文礫

或作礫礫或作礫按今人皆用礫礫字不復知本於爾雅矣礫从敖聲郭五交反礫从學省聲郭戶角反二讀是也釋文又引字林礫口交反礫郭苦角反

**多草木岵無草木岵**注皆見詩疏說文岵山有草木也

云山有草木曰岵岵也人所怙取以為事用也無草木曰岵岵岵也無所出生也釋文引三蒼字林聲類並云岵猶岵岵字詩陟岵傳山無草木曰岵山有草木曰岵與此相反正義以傳為傳寫誤是也王照圓詩小記云爾雅以岵為多草木即知岵為少草木非全無草木也毛傳有無二字不必淡泥

**山上有水埒**注有停泉疏釋名云山上有水曰埒埒脫

所還埒上郭注上邊有界埒水繞環之謂水繞其下也此云有停泉言山上有界埒水得停聚也雖俱名埒其

義自別

**夏有水冬無水礶**注有渟潦疏說文云夏有水冬無水



水注云桃墟有漏澤方十五里綠水澄渟三丈如減澤  
面際阜阜側有三石穴廣圓三四尺穴有通否水有盈  
漏漏則數夕之中傾陂竭澤矣酈注唯言穴有通否水  
有盈漏而無說冬夏者元和郡縣志始詳之云泗水縣  
漏澤漏穴有五其澤每夏積水秋冬漏竭然則澤即樂  
矣郭云停潦潦是雨水未必恆有其義疑也廣雅以水  
自渭出為樂與此異

**山積無所通谿** [注] 所謂窮瀆者雖無所通與水注川同

**名** [疏] 說文云谿山瀆無所通者釋上云窮瀆汜是汜即  
谿也釋水云水注川曰谿彼有所通與此同名無

嫌故郭援之左氏隱三年正義引李巡曰山中水瀆雖  
無所通與水注川同名此郭所本郭注雖監本作積非

**石戴土謂之崔嵬** [注] 石山上有土者土戴石為**砠** [注] 土

**山上有石者** [疏] 釋文戴本或作載說文云嵬高不平也  
上文萃者歷屢鄭箋引作崔嵬文選南

都賦注崔嵬山石崔嵬高而不平也甘泉賦注崑隗高  
貌是皆崔嵬通轉之字也徐鍇說文本無崔字遂以崔

為俗字云从崔省非也說文灌摧俱从崔何得云無崔  
字也陳壽祺欲以崔為崔亦非○砠者說文作岨云石  
戴土也詩卷耳傳崔嵬土山之戴石者石山戴土曰砠  
釋名亦同竝與爾雅相反正義以為傳寫誤馬瑞辰曰  
此爾雅誤空從毛傳又曰說文元高而上平也阮石山  
戴土也是高而上平者為石山戴土則知高而不平者  
為土山戴石矣此說是也今按毛許劉所見爾雅古本  
俱不誤唯孫郭所注始據誤本知者詩正義引孫炎注  
與郭同可證

**山夾水澗陵夾水澗** [注] 別山陵間有水者之名 [疏] 釋名  
云山

夾水曰澗澗間也言在兩山之間也左氏隱三年正義  
引李巡亦曰山間有水杜預注以為谿亦澗也是谿澗

通名○瀆者釋文云本又作虞蓋古本  
作虞後人加水作瀆耳或說虞通澗非

**山有穴為岫** [注] 謂巖穴 [疏] 說文岫山穴也籀文作宙蓋  
因訓穴故从穴矣禮運云竅

於山川竅即穴也今山巖往往有之水經河水注云懸  
巖之中多石室焉蜀都賦云嘉魚出於丙穴東京賦云



王鮪岫居蓋山溜漱激水齧石穿遊鱗灑灑潛泳其中矣

山西曰夕陽注暮乃見日山東曰朝陽注旦即見日疏

詩云度其夕陽又云于彼朝陽故此釋之書武成正義引李巡曰山西暮乃見日故曰夕陽山東朝乃見日故云朝陽詩公劉及卷阿正義引孫炎曰夕乃見日朝先見日也釋名云隨日所照而名之也按書傳云山南曰陽周禮柞氏疏引爾雅云山南曰陽山北曰陰蓋爾雅之舊說故孔傳賈疏俱援以釋經今亦以古義存之

泰山為東嶽華山為西嶽霍山為南嶽注即天柱山潛

水所出恆山為北嶽注常山嵩高為中嶽注大室山也

疏嶽者說文云東岱南霍西嶽北恆中大室王者之所德也東方為岱者言萬物更相代於東方也南方為霍霍之為言護也言太陽用事護養萬物也西嶽為華華之為言穫也言萬物成熟可得穫也北方為恆恆者常也萬物伏藏於北方有常也中央為嵩嵩言其高大也

從左傳正義風俗通云泰山山之尊者一曰岱宗岱始也宗長也萬物之始陰陽交代故為五嶽之長王者受命恆封禪之衡山一名霍山言萬物霍然大也從肅莊

是應劭以衡霍泰岱皆一山而二名其說是也詩崧高

正義引孫炎以霍山為誤當作衡山二說雖不同要其

大意皆以南嶽為指衡山郭氏不從而以霍山為指天

柱詩及左昭四年正義引郭注云霍山今在廬江潛縣

潛水出焉別名天柱山漢武帝以衡山遼曠故移其神

於此今其土俗人皆呼之為南嶽南嶽本自以兩山為

名非從近來也而學者多以霍山不得為南嶽又言從

漢武帝始乃名之如此言為武帝在爾雅之前乎斯不

然矣此所引蓋郭音義之文雖本廣雅以天柱為霍山但爾雅之後彼土俗人皆呼之為南嶽此說甚明可知天柱無妨亦名霍山而不得冒南嶽之名郭為誤據乃孔穎達不主應劭而駁孫炎反以郭說為然謬矣審如其說以霍山即天柱亦止得為漢武之南嶽而不得為爾雅之南嶽矣故洪頤煊箸霍山為南嶽解淡明此義今依以為說也洪又以文選遊天台山賦注引爾雅衡山為南嶽當即據孫炎所改之本余謂孫炎惟云字誤未



嘗改霍為衡李善所引或別本或誤書耳至於五嶽所  
在泰山在博漢晉志屬泰山郡或在奉高今在泰安府  
泰安縣北華山在華陰漢屬京兆晉改屬弘農郡今在  
同州府華陰縣南衡山在湘南漢屬長沙晉改屬衡陽  
郡今在衡州府衡山縣西天柱山在瀟屬廬江郡漢晉  
志同既無霍山之名亦無南嶽之號當得其實今在安  
慶府潛山縣西北恆山在上曲陽屬常山郡漢晉志同  
今在定州曲陽縣西北嵩高漢志潁川郡密高武帝置  
以奉太室山是為中岳古文以為外方山也今在河南  
府登封縣西此五嶽之名蓋周所定知者唐虞惟言四  
岳周禮大宗伯及司樂乃有五嶽之名史記封禪書引  
尚書於北嶽恆山下有中嶽嵩高也五字此自以意連  
言非經文有缺脫何休公羊注引尚書遂云還至嵩如  
初禮蓋本緯書之說惠氏九經古義信之而云書有脫  
文非也邵氏正義又謂唐虞以霍太山為中岳此無明  
文但據禹貢太岳為證恐山以岳名者多難可依據至  
謂成周以華山為中岳此即本鄭志以吳岳為西岳之  
說誠如孔穎達所駁云五岳之山每代一改又云軒居  
上谷處恆山之西舜居蒲坂在華陰之北豈  
當據己所在改岳祀乎詩正義言弗可易矣

**梁山晉望也**注晉國所望祭者今在馮翊夏陽縣西北

臨河上疏梁山本韓國之山晉滅韓屬晉故為晉望望  
引孫炎曰晉國所望祭也漢志左馮翊夏陽梁山在西  
北晉改馮翊為郡餘同漢志今山在同州府郃陽韓城  
二縣界公羊成五年傳梁山者何河上之山也  
穀梁傳梁山崩壅遏河三日不流皆郭所本也



爾雅郭注義疏卷十二

棲霞郝懿行學

釋水第十二

疏說文云水準也北方之行象眾水竝

準平物也管子水地篇云水者地之血氣如筋脈之  
流通者也白虎通云水盛氣也左氏昭十七年傳云  
水火之牡也茲篇所釋自泉原川流及谿谷溝澮經  
通灌注靡不詳駭乃至津涉舟航滌洄宛在水以四  
瀆為大故著於篇禮表先  
河書甄會海故九河終焉

泉一見一否為澿

注澿纔有貌

疏說文云泉水原也象

也引此文否作不古今字耳  
郭義則以澿為纖纖小意也

井一有水一無水為澿

注山海經曰天井夏有水冬

無水即此類也

疏易井釋文引禘卦云井通也周書云  
黃帝穿井世本云化益作井宋衷云

釋山終



化益伯益也釋名云井清也泉之清潔者也井一有水  
一無水曰灑洑灑竭也洑有水聲洑洑也說文云洑激  
水聲也與釋名合其灑洑下竝引此文郭引中山經文  
彼云視山有井名曰天井夏有水冬竭又超山亦有井  
冬有水而夏竭與前相反尤有異者水經洑水注云  
水導源穴口若井一日之中十溢十竭信若潮流而注  
洑水由茲以談造化神奇誠難  
理喻井蠅蠹測難語通方者也

**濫泉正出正出涌出也**注公羊傳曰直出直猶正也沃

**泉縣出縣出下出也**注從上漚下洑泉穴出穴出仄出

**也**注從彡出也疏說文云濫濡上及下也引詩畢沸濫

用爾雅正義引李巡曰水泉從下上出曰涌泉涌者說  
文云滕也滕水超涌也然則涌有潰溢之意水本卑下  
今直上出同於汜濫故被斯名矣公羊昭五年傳潰泉  
者何直泉也直泉者何涌泉也是傳訓直為正故郭援  
之釋名云濫泉濫銜也人口有所銜口闔則見也既未  
顯涌出之義又與正出無會公羊於義為長○說文云

沃漚灌也縣繫也釋名云縣出曰沃泉水從上下有所  
灌沃也詩下泉傳下泉泉下流也正義引李巡曰水泉  
從上漚下出是下泉即沃泉沃與下義相成郭注漚釋  
文作霽假借字也○洑說文作屠云仄出泉也俗作洑  
釋名云側出曰洑泉洑軌也流狹而長如車軌也詩大  
東傳用爾雅正義引李巡曰水泉從彡出名曰洑洑側  
出然則李劉俱未顯穴出之義穴說文作洑云水从孔  
穴疾出也又云滲側出泉也是側出之泉又名滲滲从  
殼聲殼籀文磬字蓋滲之言傾傾即側意此泉彡側不  
從正出又異縣流故被斯名矣仄與側穴與洑俱古字  
通列子黃帝篇云濫水之潘盤為淵沃水  
之潘為淵洑水之潘為淵俱本此為說也

**溪關流川**注通流過辨回川注旋流疏釋名云川穿也

文云川貫穿通流水也引虞書曰濬々々距川言溪々  
々之水會為川也考工記兩山之間必有川焉此釋川  
之形狀也溪關說文作溪辟云流水處也玉篇云溪關  
通泉○過辨者洑水之名釋文過本或作渦回又作洄  
竝假借字說文云洑回泉也蓋洑回洑猶回旋  
洑水善休人故別其名過辨溪關聲又相轉



澗反入注即河水決出復還入者河之有澗猶江之有

沱疏言水反入者名澗說見下釋名云水從河出曰雍沛

引爾雅曰澗反入言河決復入者也河之有澗若漢之

有潛也元和郡縣志澗湖在巴陵縣南引爾雅云河水

決出還復入者為澗蓋因澗澗聲同故相俗證實則澗

湖一名翁湖非爾雅所指也元賦楚引澗此傳

澗沙出注今江東呼水中沙堆為澗音但疏沙上有積

為澗說文云沙水散石也从水从少水少沙見玉篇云

江南人呼水中沙堆為澗廣韻云今河陽縣南有中澗

城按城東魏所築見元和志命名之義蓋不可知或說

澗海中沙也商賈泛海取捷謂之登澗見邵氏正義可

備一解郭注江東監本作河中誤

又脫音但二字今據宋本改補

汧出不流注水泉潛出便自停成汧池疏水出於地便

通流猶人慳吝不肯施散厥名曰汧汧之為言慳也列

子黃帝篇云汧水之潘鬢為淵然則淵水停而不流與

此義合邢疏引地理志扶風汧縣汧出西北入渭

以其初出不流停成汧蒲澤藪其終則入渭也

歸異出同流肥注毛詩傳曰所出同所歸異為肥疏詩

水傳用爾雅釋名云所出同所歸異曰肥泉本同出時

所浸潤少所歸各枝散而多似肥者也與毛傳義同水

經淇水注云美溝水東南流注馬溝水又東南注淇水

為肥泉引詩肥泉又引舍人曰水異出流行合同曰肥

今是水異出同歸矣是酈本舍人與毛傳異又以斯水

即詩泉源之水也列子肥水之潘為淵殷敬順釋文亦

云水所出異為肥俱本舍人為說呂忱又以爾雅異出

同流為澗澗肥聲亦相轉然則諸家爾雅本其不同如

此

漢大出尾下注今河東汾陰縣有水口如車輪許濱沸

涌出其深無限名之為漢馮翊郃陽縣復有漢亦如之

相去數里而夾河河中渚上又有一漢漢源皆潛相通



在汾陰者人壅其流以為陂種稻呼其本所出處為漢

魁此是也尾猶底也疏說文云漢水浸也引此文水經

流為漢水然則今本疑有脫文釋文亦云漢水本同而

出異與呂忱合也列子湯問篇云壺領山頂有口狀若

員環有水涌出名曰神漢一源分為四然則漢水噴流

甚大底源潛通故曰出尾下也水經注云漢水出汾陰

縣南四十里去河三里平地開源瀆泉上涌大幾如輪

深則不測俗呼之為漢魁古人壅其流以為陂水種稻

東西二百步南北百餘步與郃陽漢水夾河河中渚上

又有一漢水皆相潛通故呂忱曰異出同流為漢其水

歷蒲阪西面流注於河又云郃陽城北有漢水東南出城注於

河城南又有漢水東流注於河酈注所言與郭義同而

加詳漢晉汾陰並屬河東郡今為蒲州府榮河縣馮翊

郃陽今為同州府郃陽縣矣又曾鞏齊州二堂記云歷

城之西有泉涌出高或至數尺齊人名曰酌突之泉嘗

有棄穰於黑水之灣者而見之於此蓋泉自渴馬之厓

潛流地中而至此復出也今按酌突即漢之類凡漢必

數處潛通歷城酌突濟水之所溢出也

也汾陰郃陽諸漢河水之所溢出也

**水醮曰辱**注謂水醮盡疏醮當作濇說文濇盡也辱作

醮日沈其辱字訓仄出泉也讀若軌然則辱沈二字爾雅說文互易古字假借通用玉篇與今本同

**水自河出為澗**注書曰澗沮會同濟為楚汶為澗洛為

**波漢為潛**注書曰沱潛既道淮為澗江為沱注書曰岷

山導江東別為沱澗為洵潁為沙汝為瀆注詩曰遵彼

汝瀆皆大水溢出別為小水之名疏出者溢也此皆謂

總之說文派別水也蓋大水枝派別出為細流也澗者

說文云河澗水在宋又云汭水受陳畱浚儀陰溝至蒙

為澗水澗水經注云陰溝澗首受大河於卷縣晉

楚之戰晉軍爭濟舟中之指可掬即是處也淮南人間







不同兼之乃備。過為洵者說文云過水受淮陽扶溝浪湯渠東入淮水經注云陰溝始亂葭蕩終別於沙而過水出焉引爾雅曰過為洵呂忱曰洵過水也按說文洵過水中也過當為過中當為出釋文過本或作過漢志作渦竝為假借。潁為沙者漢志潁川郡陽城陽乾山潁水所出東至下蔡入淮水經注臨潁縣潁水自縣西流注小潁水出焉爾雅曰潁別為沙亦猶江別為沱也是小潁水即沙水矣。汝為潁者說文云汝水東南逕奇頡城農盧氏還歸山東入淮水經注云汝水東南逕奇頡城西北潁水出焉世亦謂之大潁水爾雅曰河有灘汝有潁然則潁者汝別也故其下夾水之邑猶流汝陽之名是或潁隱之聲相近矣按潁今變作澗大澗水在今鄭城縣即汝水別流也說文引爾雅作汝為涓釋文引字林同云眾爾雅本亦作涓是潁古作涓唯郭本作潁耳

**水決之澤為汧**

**注**

水決入澤中者亦名為汧決復入為

**汧**

**注**

水出去復還。疏汧已見上此申釋之說文云決行故城南汧水入焉水出汧縣之蒲谷鄉弦中谷決為弦

亦名汧者亦亦上文錢氏坵曰澤亦弦蒲澤也弦汧聲同是矣。鬪駟以楚水為汧水非也。說文云汧水別復入水也釋名云水決復入為汧汧已也如出有所為畢已而還入也詩江有汧傳用爾雅淮南道應篇云至於河上而航在一汧高誘注汧水涯也蓋借汧為涘非此

**河水清且瀾漪大波為瀾**

**注**

言渙瀾小波為淪

**淪直波為徑**

**注**

言徑徑

也不竝引者文省也正義引李巡云分別水大小曲直之名說文云波水涌流也大波為瀾瀾或作漣詩伐檀傳風行水成文曰漣釋名云風行水波成文曰瀾瀾連也波體轉流相及連也水小波曰淪淪倫也小文相次有倫理也水直波曰涇涇徑也言如道徑也詩釋文引韓詩云順流而風曰淪淪文貌毛傳小風水成文轉如輪也直直波也按直又訓徒也徒波無風自波對淪漣皆因風成文此自生波故曰直波直有徑遂之義故曰徑也徑釋文作徑云字或作徑今從宋本瀾釋文作瀾



江有沱河有灘汝有濱注此故上水別出耳所作者重

見疏水名已具上文此重見者詩汝濱正義引李巡曰

言名同義異李說是也今以其意求之梁州之沱江夏雲杜村

墟相望皆其地矣河之有灘左傳所云杜注以爲鄭地在滎陽卷縣是其地濱河密邇王宮

雍卽灘矣若乃詩之汝墳樵採所遵枚條敏茂其爲地

號更不待言孔氏正義猶以彼墳從土此濱從水爲疑

非矣郭以爲水名重見尤非

許水厓注水邊地疏此亦水邊地名與沱灘濱同故竝

以地言也詩葛藟正義引李巡曰許水邊地名厓也北

山正義引孫炎曰厓水邊也釋丘岸上許涘爲厓與此

義互相見

水草交爲澗注詩曰居河之澗疏澗者說文用爾雅釋

水經川歸之處也左氏僖廿八年正義引李

巡曰水中有草木交會曰澗水經濟水注引舍人云水

中有草木交合也郭引詩巧言文澗詩

作麋左傳余賜女孟諸之麋竝古字通

濟有淡涉注謂濟渡之處淡則厲淺則揭揭者揭衣也

注謂褰裳也以衣涉水爲厲注衣謂禪絲紩以下爲揭

絲紩以上爲涉絲帶以上爲厲注絲白也疏詩匏有苦

之也左氏襄十四年正義引李巡曰濟渡也水淡則厲

水淺則揭衣渡也不解衣而渡水曰厲孫炎曰揭褰衣

裳也以衣涉水濡禪也毛傳俱本爾雅唯不引絲紩以

下爲揭一句文省耳釋文引韓詩云至心曰厲至心卽

是絲帶以上雖變其文實用其意也必以絲紩絲帶言

者蓋爲空言淺淡恐無準限故特舉此爲言明過此以

往則不可渡也然亦略舉大槩而言實則絲帶以下亦

通名厲故論語鄭注及左傳服虔注竝云由紩以上爲

厲明絲紩以上卽絲帶以下故約略其文耳衣是大名

裳與禪皆衣類以言揭故知爲褰裳以衣涉故知衣謂

能十二



禪也釋名云禪貫也貫兩腳上繫要中也厲有凌厲之義因為涉水之名故說文涉字解云徒行厲水也是厲涉通名列子說符篇云懸水三十仞圓流九十里有一丈夫方將厲之上林賦云越壑厲水皆以厲為涉也說文厲作礪引詩漢則礪或作瀾云履石渡水也按詩在彼淇厲蓋以厲為橋梁此皆別解義與爾雅異也絲與由同由自也

**潛行為泳**注水底行也晏子春秋曰潛行逆流百步順

流七里疏說文泳潛行水中也潛涉水也詩云泳之游

泳游也是其義同詩云不可泳思列子黃帝篇云彼中有寶珠泳可得也毛傳及張湛注俱用爾雅郭引晏子

春秋古冶子辭也

**汎汎楊舟**紼縈維之紼粹也注粹索縈綏也注綏繫疏

詩采菽文毛傳紼粹也縈綏也正義引李巡曰粹竹為索所以維持舟者孫炎曰粹大索也舟止繫之於樹木

又為繫正謂舟之止息以紼繫而維持之詩釋文引韓

詩云纒笮也釋名云引舟者曰笮然則笮可引舟亦可

繫舟笮與綏義同成也粹說文作粹詩作粹縈作纒並

字異音義同

**天子造舟**注比船為橋諸侯維舟注維連四船大夫方

**舟**注併兩船士特舟注單船庶人棹泝注併木以渡疏

說文云舟船也古者其鼓貨狄剡木為舟剡木為楫以

濟不通釋名云舟言周流也造舟者詩大明傳用爾雅

正義引李巡曰比其舟而渡曰造舟孫炎曰造舟比舟

為梁也公羊宣十二年疏引舊說云以舟為橋詣其上

而行過故曰造舟也按此雖爾雅舊說但以造為詣不

及李孫訓造為比蓋比並其船加版於上孔穎達謂即

今浮橋是也方言云船牯造舟謂之浮梁閒居賦云浮

梁駟以徑度皆其義也至其並船之數釋文引郭圖云



作禮蓋出古禮經之文。維舟者詩正義引李巡曰中  
央左右相維持曰維舟。公羊疏引孫炎云維連四船音  
義曰維持使不動搖也。按維非竝也。但連繫之使不散  
孔穎達謂維舟以下則水上浮而行之。但船有少為  
等差耳。其說是矣。○方舟者詩正義引李巡曰併兩船  
曰方舟。說文方併船也。象兩舟省。總頭形。方或从水作  
汸。方言云方舟謂之潢。郭注揚州人呼渡津舫為潢。荆  
州人呼杭音橫。說文航方舟也。舫。鄉音。詩俗為杭。一葦杭  
之是也。方古音也。金鶚云併船是方。本義通而言之。凡相併  
皆曰方。鄉射禮云不方足。鄭注方猶併也。○特舟者公  
羊疏引李巡云一舟曰特。又云庶人棗泝者併木以渡  
別尊卑也。然則併亦方也。釋言云舫泝也。舫即方字。又  
俗為枋。史記張儀傳云枋船載卒枋與舫同。枋船即舫  
泝也。論語棗枋亦泝也。泝舟同類。  
故齊語云方舟設泝。蓋兼士庶言之。

**水注川曰谿注谿曰谷注谷曰溝注溝曰澮注澮曰瀆**

**注**此皆道水轉相灌注所入之處名。疏此別水所注入之名。舊注云皆

以小注大小異名。郭注上林賦云自谿及瀆皆水相  
通注也。谿者釋山云山瀆無所通。谿彼謂窮瀆。此則通  
川之谿也。蓋謂谿澗之水能自達於通川。故左氏隱三  
年正義引李巡曰水出於山入於川為谿也。谷者說文  
云泉出通川為谷。从水半見出於口。公羊僖三年傳無  
障谷。蓋谷口出水無障。斷之使通於谿。故疏引李巡云  
水相屬曰谷。然則谷者屬也。水流相屬。灌輸也。溝澮者  
釋名云水注谷曰澮。澮田間之水亦曰溝。溝構也。從橫相  
交構也。注澮曰澮澮會也。小澮之所謂澮也。澮者御覽  
七十五引舊注云水流不絕曰澮。然則澮澮通名。釋山又  
也相續不絕之意。說文云澮澮不絕曰澮。澮澮通名。釋山又  
以谿瀆竝稱。可知此皆山間澮水。非有巨浸洪流。且瀆  
無妨。四瀆同名。澮澮亦非。匠人舊制。豈便有四尺二尋  
之規乎。砥澮澮廣澮澮二。伽邢疏泥考工之文。失爾雅  
乃谿谷細流。何可同也。今試倒轉其文。則為瀆注於澮  
澮注於溝。澮注於谷。谷注於谿。谿注於川。上下文義  
俱順矣。此自言水轉相灌注之異名耳。云何不類。  
**逆流而上曰泝。洄順流而下曰泝游。**注皆見詩疏。泝說  
文作



滌云逆流而上曰滌河滌向也水欲下違之而上也滌  
或作遡河滌河也游作汙云浮行水上也汙或作汙詩  
遡河傳用爾雅遡游傳云順流而涉曰遡游正義引孫  
炎曰逆渡者逆流也順渡者順流也按河猶回也華嚴  
經音義下引三蒼云水轉曰河蓋逆流則向水回轉順  
流則但浮游直行而已左氏哀四年傳吳將泝江入郢  
杜預注逆流曰泝莊十八年傳閻  
敖游涌而逸杜注游涌水而走也

**正絕流曰亂**

**注**直橫渡也書曰亂于河

**疏**

詩涉渭為亂傳用爾雅正

義引孫炎曰直橫渡也是止訓直絕猶截也  
截流橫渡不順曰亂郭引書禹貢梁州文

**江河淮濟為四瀆四瀆者發原注海者也**

**疏**

釋名云天

謂之四瀆江河淮濟是也瀆獨也各獨出其所而入海  
也江公也諸水流入其中所公共也淮圍也圍繞揚州  
北界東至海也河下也隨地下處而通流也濟濟也言  
源出河北濟河而南也海晦也主承穢濁其色黑而晦  
也白虎通云瀆者濁也中國垢濁發源東注海其功著  
大故稱瀆也風俗通云尚書大傳禮三正記江河淮濟

為四瀆瀆者通也所以通中國垢濁民陵居殖五穀也  
江者貢也珍物可貢獻也河者播為九流出龍圖也淮  
者均其務也濟者齊其度量也四瀆發原注海禹  
貢具詳其文河說見下漢志蜀郡蒯氏道禹貢嶧山在  
西徼外江水所出東南至江都入海今江出四川松潘  
衛邊徼外西番地之岷山至江南通州入海漢志南陽  
郡平氏禹貢桐柏大復山在東南淮水所出東南至淮  
陵入海今淮出河南南陽府桐柏縣之桐柏山至江南  
清河縣與河合流至安東縣入海漢志河東郡垣陽貢  
王屋山在東北沅水所出東南至武德入河軼出滎陽  
北地中又東至琅槐入海今濟出河南懷慶府濟源縣  
之王屋山至武陟縣入於河管子度地篇云水之出於  
山而流入於海者命曰瀆瀆者經流也挾眾枝流而注於  
海者命曰枝水然則四瀆者經流也於他水入於大水及  
海者也說文海天池也以納百川  
者注灌也原水泉本也原今作源

**水泉**

**疏**

題上事也管子水地篇云水者何也萬  
物之本原也管子水地篇云水者何也萬

篇先泉後水又總題曰水泉也初學記引郭氏  
讚云類燥辭川瀆綺鎔渙瀾流帶潛潤旁通經



營華外珠出同  
歸混之東會

水中可居者曰洲小洲曰渚小渚曰沚小沚曰坻人所

為為瀆注人力所作疏此釋水中之地名洲者說文作

可居者曰洲洲聚也人及鳥物所聚息之處也詩關雎

正義引李巡曰四方皆有水中中央獨可居一切經音義

十七引孫炎曰水有平地可居者也方言云水中可居

為洲三輔謂之淤蜀漢謂之聚郭注引上林賦曰行乎

洲淤之浦。階當為渚說文引作小洲曰渚釋名云渚

遮也體高能遮水使從旁回也詩江有渚渚小洲也按

水歧成渚釋文引韓詩云一溢一否曰渚渚小洲也按

廣雅云渚處也是渚亦可居處故韋昭齊語注水中可

居者曰渚爾雅不言者文省耳又以上句例之不言可

知。沚者詩采芣繁傳沚渚也。不言小者亦文省也說文

用爾雅釋名云沚止也小可以止息其上也然則沚小

於渚不可居處但容止息而已。坻者釋名云小沚曰

坻坻遲也能過水使流遲也說文本詩蒹葭傳云坻小

渚也變沚言渚者渚沚雖大小異名其實一耳正義云

以渚易知故繫渚言之邢疏引李巡云但大小異其名

是也。○瀆者說文云水中坻人所為為瀆是瀆亦坻也

但以人所為為異耳釋名云瀆術也。使鬱術也。魚

梁水確之謂也。魚梁者周禮敷人掌以時敷為梁鄭眾

注梁水偃也。偃。擲。偃。水為關空以笱承其空是也。水確

者於急流水中偃水為之設轉輪於下用水衝激速於

賃春魚梁水確皆人所為故舉以譬況焉。釋文引郭圖

云水中自然可居者為洲人亦於水中作洲而小不可

止住者名瀆水中地也。御覽七十一引舍人云瀆

人力水為居止。疑。有。按。釋。文。瀆。郭。述。決。二。音。是。也。

水中疏題上事也。洲渚沚坻瀆皆

河出崑崙虛色白注山海經曰河出崑崙西北隅虛山

下基也發源處高激峻湊故水色白也所渠并千七百

一川色黃注潛流地中汨漱沙壤所受渠多眾水溷渚

空其濁黃百里一小曲千里一曲一直注公羊傳曰河

淮十二



曲流河千里一曲一直

**疏**之水經注引春秋說題辭云河

引度也考異鄧云河者水之氣四瀆之精也初學記引  
孝經援神契云河者水之伯上應天漢又引穆天子傳  
河與江淮濟三水為四瀆河曰河宗四瀆之所宗也按  
爾雅既言四瀆而以九河終焉其意蓋在此也說文云  
河水出焯煌塞外昆侖山發原注海釋文引郭音義云  
禹本紀及山海經皆云河出崑崙山漢書曰張騫使西  
域窮河源其山多玉石而不見崑崙也世人皆以此疑  
河不出崑崙案山海經曰東望泐澤河水之所潛也其  
源渾渾泡泡又云敦蕪之水注于泐澤出平崑崙之西  
北隅實惟河源也西域傳又云河有兩源一出蔥嶺山  
一出于闐于闐在南山下其河北流與蔥嶺之河合東  
注鹽澤鹽澤一名蒲昌海去玉門陽關三百餘里注三經  
臚之有汗仍其精輪廣三四百里其水停冬夏不增減皆  
以為潛行地下而南出於積石山而為中國河云然則  
河出崑崙便潛行地下至蔥嶺及于闐復分流歧出也  
張騫所見蓋謂此矣其去崑崙里數遠近所未得而詳  
也泐澤即鹽澤也又引郭圖讚云崑崙三層號曰天柱  
實惟河源水之靈府按此以上釋文所引皆是古來相

傳舊說然於河出崑崙里數遠近靡得而詳新唐書吐  
蕃傳載劉元鼎所經紫山直大羊同國虜曰悶摩黎山  
即古所謂崑崙距長安五千里而元史地理志稱河源  
出吐蕃朵甘思西鄙名火敦腦兒譯言星宿海也又言  
朵甘思東北有大雪山即崑崙不知此乃積石山也康  
熙乾隆年間兩遣侍衛尋河源後乃得之阿勒坦郭勒  
之西遠出星宿海之上三百餘里其崑崙在今之回部  
所以知河出崑崙虛者一統志言西藏有岡底斯山在  
阿里之達克喇城東北三百十里直陝西西寧府西南  
五千五百九十餘里乃西域記水經注所謂阿耨達山  
今名岡底斯山即崑崙也河源紀略圖說詳矣近人徐  
松能言西域地形今探其說曰岡底斯山分為四幹向  
西北者為僧格喀巴布山譯言獅子口也繞阿里而北  
二千五百餘里入西域為和闐南山及蔥嶺蔥嶺在今  
葉爾羌喀什噶爾境和闐南山在今和闐境和闐即古  
于闐漢書西域傳言河有兩源一出蔥嶺一出于闐其  
實出蔥嶺者尚有南河北河之分與于闐河而三也以  
今新疆地形驗之和闐河北河二源皆出南山東源曰玉隴  
哈什河西源曰哈喇哈什河二水分流經和闐城東西  
又北流二百餘里而合為和闐河是為河源之一蔥嶺



南河者即今葉爾羌河二源東源曰聽襍布河西源曰澤普勒善河二水分東北流至葉爾羌城東南而合為葉爾羌河是為河源之二蔥嶺北河者即今喀什噶爾河二源南源曰雅爾雅爾河北源曰烏蘭烏蘇河分東流至喀什噶爾城南而合為喀什噶爾河是為河源之三三源分東流至噶巴克阿克集而合為塔里木河又東流一千四百餘里瀦為羅布淖爾即古鹽澤亦謂之蒲昌海也諸河水皆澄清無滓惟喀什噶爾河之北源烏蘭烏蘇色赤而濁而東至葉爾羌東北衡阿喇克之地亦清流見底故統謂之色白也又曰郭注引山海經作崑崙西北隅邵氏正義據今本作東北隅以郭為謬非也案南山蔥嶺皆發脈於僧格喀巴布而僧格喀巴布實分幹於岡底斯山之西北隅故山海經謂之崑崙西北隅灼然明顯且後漢書張衡傳注及廣韻引此文皆作西北邵氏之說未可依據又曰崑崙虛者僧格喀巴布山西北趨千六百餘里為蔥嶺蔥嶺環千八百餘里包西域之西以周其北外如半規中為虛地故謂之虛余按徐以虛讀如字實則虛即墟字故郭云山下基明其旁地縣亘諸山皆得崑崙之目故言河出崑崙虛也釋文引李巡云河水始出其色白也孫炎云崑崙山

名也墟者山下之地白者西方之色也又引郭注有發源處高激峻湊故水色白白也十二字為宋本所無今據補離騷云朝吾將濟於白水兮登閭風而縹馬後漢書注引河圖云崑崙山出五色流水其白水東南流入中國名為河然則白水即河水故晉文投璧於河而曰有如白水晉語即作有如河水是其證也○渠者說文云水所居川者釋文引李巡云水流而分交錯相穿故曰川也色黃者孫炎云所受渠多轉流溷濁故色黃水經注引物理論曰河色黃者眾川之流蓋濁之也河源錄云自發源至漢地南北澗溪細流旁貫莫知紀極然則渠并之水其數難詳千七百者特舉大槩而言耳徐松曰河入鹽澤水皆清澈伏流一千五百餘里東南至巴顏哈喇山麓伏流自崖壁上涌出醜為百道皆作黃金色東南流為阿勒坦郭勒譯言黃金河也○河隨山勢為曲折千里百里亦大槩言之耳釋文引李巡云水勢小故曰千里一曲一直郭引公羊文十二年傳云河曲疏矣河千里而一曲也何休注河曲流郭蓋兼引傳注又傳不言一直郭據爾雅加之也漢志大原郡陽曲亦河注云河千里一曲當其陽故曰陽曲也然則陽曲亦河



曲之地名故傳云河曲疏矣河源錄云世言河九折彼地有二折朱思本云河源東北流歷西番至蘭州凡四千五百餘里始入中國又東北流過達達地凡二千五百餘里始入河東境內又南流至河中州蒲凡一千八百餘里通計九千餘里

**河曲**

**疏**此釋河耳謂之曲者河勢善曲其地疏闊隨處委折咸被斯名故題曰河曲也

**徒駭****注**今在成平縣義所未聞**太史****注**今所在未詳**馬**

**頰****注**河勢上廣下狹狀如馬頰**覆****注**水中可居住

而有狀如覆釜**胡蘇****注**東光縣今有胡蘇亭其義未聞

**簡****注**水道簡易**絜****注**水多約絜**鉤盤****注**水曲如鉤流盤

**桓也****高津****注**水多阨狹可隔以為津而橫渡**疏**此釋九

起故云徒駭孫炎曰禹疏九河此河功難塘雖義四作

眾懼不成故曰徒駭郭云今在成平縣者晉志成平屬河間國漢志屬勃海郡今河間府交河縣東有漢成平故城按漢志成平虜池駭疑語倒竝聲之轉太史者釋文作大云謝音泰孫如字本今作太然則古本作大是也詩般正義引李巡曰禹大使徒眾通水道故曰大史孫炎曰大使徒眾故依名云爾雅釋文引或云太史者史官記事之處按此蓋因大本作太望文生訓耳李孫於義為長導河書云太史在德州安德縣東南經滄州臨津縣西明一統志在南皮縣北馬頰者釋文引李孫郭竝云河勢上廣下狹狀如馬頰也元和郡縣志德州安德縣馬頰河在縣南十里按漢志平原郡平昌縣平昌縣通典云馬頰河在平原郡然則篤馬豈即馬頰之異稱今所未詳○覆舖者釋文引郭云舖古釜字李孫郭竝云水中多渚往往而有可居之處狀如覆釜之形通典云覆釜在平原郡界導河書云覆舖在永靜軍阜成縣東經東光縣西北按漢志阜成屬勃海郡○胡蘇者詩正義引李巡曰其水下流故曰胡蘇胡下也蘇流也孫炎曰水流多散胡蘇然也漢志勃海郡東光有胡蘇亭今河間府東光縣有漢東光故城







則塞其東流入枝并使歸於徒駭也按詩正義亦與此同而此為駭爾雅釋文引郭音流雖塞遺處猶存今驗青滄景德之閒古隄沙阜舊迹宛然故溝洫志載韓牧以為可略於禹貢九河處穿之縱不能為九但為四五亦有益而王橫言河入勃海地高於韓牧所欲穿處又言九河之地已為海所漸此妄說也古河隄處今猶可見安得為海所漸但自周定五年河徙以來歷漢至今轉徙而南土淺沙浮潰決難制禹河故道日就沈湮更數百年始將不可復識矣

從釋地已下至九河皆禹所名也

疏自釋地已下凡四篇此其總題也書

呂荆云禹平水土主名山川蓋禹敷土醜渠因而各制以名禹貢一篇略可槩見或疑祭法黃帝正名百物以明民其財物有定名其來舊矣然水經注言廬山有大禹刻石無妨舊已有名禹更新定爾

釋水終



